

T 3209/6432.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 31 1939

10

嚴州府志

第十册
卷之十九
人物上
卷之二十
人物中

嚴州府志卷十九

哈佛大學漢和
圖書館珍藏印

人物

儒林

孝友

文苑

喻樛字子才建德人少慕伊洛之學受業楊龜山得道

經史登建炎二年進士第三人趙忠簡公居嘗山樛

往謁之曰公之事上當使啓沃多而施行少啓沃之

際當使誠意多而語言少公奇之薦除正字累官工

部員外郎知蘄州孝宗即位用為提舉浙東常平以

治績聞樛為人質直好議論常言和議非便尤有知

人鑒常以鼎元許沈晦張九成後果然有二女以妻

汪應辰張孝祥二人後皆登甲第淳熙七年卒所
著有中庸大學論語解及玉泉語錄行于世

方慤字性夫桐廬人性至孝父死廬墓三年領鄉薦
表進禮記解于朝詔賜上舍釋褐而頒其書于天
下學者宗之居官以剛廉稱家置萬卷書堂雖老
手不釋卷朱文公嘗曰方氏禮記解儘有說得好
命處不可以其新學而黜之

錢時字子是淳安人弱冠淹通經史以易領漕舉絕
人意仕進究明理學游慈湖之門爲高第弟子袁甫

持節江東創象山書院延王講席學者興焉

喬行簡薦之朝授秘閣校勘下有司令取所著尚
書演義學詩管見周易釋傳四書管見兩漢筆記

繳進未幾出佐浙東倉幕召入史館除檢閱丐祠

歸卒慈湖嘗爲書融堂二字門人稱融堂先生有

國朝編年春秋大旨百行冠冕婚記獨身稿嘉

定講書稿英烈廟實錄錦江雜著諸書行于世

詹儀之字體仁遂安人紹興二十一年進士乾道間

張宣公栻守郡呂成公祖謙分教儀之日以問學

爲事淳熙二年知信州時朱文公呂成公俱在焉

湖往復問辨無虛日及帥廣東首以濂溪舊治立

祠曲江上疏論廣鹽官鬻之弊孝宗黜之除吏部侍郎知靜江府代者中以飛語遂有兗州之行旣歸而妙公論惜之

徐孝恭字季中淳安人與兄孝寧孝友杜門讀書五經皆精究而孝恭尤深于易人號五經徐氏隆興淳熙間兄弟聯登進士孝恭主德化簿政教兼善士多從之

趙彥肅字子欽建德人天資孝友務聖賢之學窮理盡性弗深造自得弗措也登乾道進士宰臣周必大薦之其力彥肅益以近名爲嫌仕至寧海軍節

度推官著有易說廣雜學辨士冠士婚饋食圖行于世朱文公觀其書嘆曰近世未有如此看文字者學者稱復齋先生

胡子廉淳安人自幼慎重不苟言笑弱冠博極羣籍不肯作舉子文字聞呂成公之學遂從之遊得其興趣窮居樂道以終其身

方鏞字伯治淳安人兩魁郡試後棄去盡心聖賢知行之學每日人與天地對立者文藝云乎哉日誦諸子所講明必以窮理盡性爲先至應事接物則以持敬實踐爲功二子逢辰逢振前後及第乃曰

吾昔以爲不足爲者爾曹勿謂足也歷官奉直大夫兩淮制置司參謀官

胡應璣字粹翁淳安人講明性理之學隱居教授不求仕進著理髓三卷學者宗之

洪揚祖淳安人鎮東節度判官璞之子嘗從袁甫錢時講質義理之學以切直忤時調寧浦教授辟廣

西帥幕論嶺南買鹽及橫山以錢易馬事多所裨

益遷京教除太博置登書錄士多向風名試館職

除正字論對者三懇懇以正心誠意啓沃君心自

號錦溪有文集若干卷

呂人龍字首之淳安人景定三年進士嘗授業錢

堂之門講明義理所造日高胸次洒然有風浴詠

歸氣象學者因其所居稱爲鳳山先生有鳳山集

行世

陸震發字德甫淳安人少聰敏淹洽而尤明於春秋

淳祐中知州王似薦之以親老乞鄉校官就養乃

授學諭嘗撰學記云人心本自虛明廣大無賢不

肖均其至理特患物于物而不能物物耳其修已

教人一本諸此著有春秋講義藁志一卷

方逢辰字君錫淳安人鎔子淳祐十年舉進士第一

初名夢魁理宗改今名累官吏部尚書因賈似道
擅權逢辰叩關言時事辭旨激烈忤賈意遂謫
歸元世祖詔起之辭不赴卒于家逢辰天稟卓
無書不讀而會極于周程朱子之學以格物爲
理之本篤行爲修己之要居官所至以教化爲
務以繼往開來爲己任家居講學生徒數百人
著有孝經解易外傳尚書釋傳大學中庸注釋格
物入門諸書學者稱蛟峯先生度宗嘗爲御書石
峽書院四字復賜手詔云近進士一科文章盛而
古意衰卿以儒碩創家塾以程朱之學淑其徒朕
甚嘉之其眷遇如此

方逢振字君玉逢辰弟學問亞于其兄登景定三年
進士歷官太府寺簿宋亡退隱聚徒講學于石峽
書院元世祖詔起之辭不赴終于家學者稱山房
先生
郭頤字養正壽昌人少孤貧勉學從呂成公遊登進
士精於易宦情淡泊終軍器監丞簿築室於所居
之南號固齋讀書其中囊橐屢空宴如也

黃宗仁字榮甫淳安人淳祐進士官至司農少卿普
註經書學者祠之于石峽書院

何夢桂字巖叟淳安人幼穎悟從鄉先生夏納齊遊
黃咸淳元年廷試第三授台州軍判官改太學錄遷
博士倅吉州時廂軍鼓譟夢桂往諭遂帖然除太
常博士轉監察御史抗疏言時政甚切遷軍器監
以歸尋轉太府卿時事已不可爲矣元初薦授江
西儒學提舉以疾辭不赴築室小有源不復與世
接著書自娛有易衍大學說中庸致用等書學者
稱爲潛齋先生祠之於石峽書院

錢允文淳安人從季父融堂先生遊研精義理尤善
屬文咸淳進士歷任武岡縣令嚴而愛敏而不苛
權豪有所犯執法不少貸由是強猾斂跡

徐文鳳字伯恭壽昌人從吳興陳本齋先生受春秋
咸淳間屢魁胄監賜釋褐第二名知象山縣以慈
惠稱至元革命隱居教子著有春秋捷指十卷

項庚老淳安人博通經史累舉進士不第教授鄉里
其徒如方有孚邵桂子皆登科第

傅崧之字宗山壽昌人刻志好學通詩書戴禮弱冠
以兩經領鄉薦鄉人尊之稱平齋先生咸淳四年
與子明龍同登進士第而崧之爲榜眼授慶元觀
察推官以內艱不赴服闋調平江觀察推官以勤

政卒

何逢原字文瀾分水人咸淳中累官中書舍人陳時政十事言甚剴切已而引疾去至元中薦起不赴卒于家逢原專究經史旁通陰陽星歷醫藥之書著有易詩書通旨四書解說玉華集若干卷

魏新之桐廬人受業于方蛟峯得程朱性理之學登咸淳七年進士除鄞府教授歸隱鄉里學者稱石川先生

方一夔字時佐淳安人幼承家訓壯與何潛齋諸老游學問該博行誼醇篤應薦領教郡庠未幾退隱

富山授徒講學門人稱富山先生有富山遺稿

元

夏希賢淳安人究明性理洞詣本原而會其極于象山慈湖之要杜門不出者三十餘年家貧泰然有古君子風學者稱之曰自然先生子清之大之潛之皆承家學

方道獻字以愚淳安人至順二年進士授翰林編修所撰后妃功臣諸傳筆削大義獨斷于心無能議

者調嘉興推官凡讞獄必脫其桎梏賜之飲食溫言和氣以探真情再調杭州判官引疾歸著有春

秋集釋愚泉集詩稿詩說文說諸書

邵大椿字春叟壽昌人年十二領鄉魁赴南省不利

歸益勵志明才理學歷壽昌龍游教諭主晦菴書

院山長元初士子溺于辭章之習大椿倡明理學

以淑人心學者始知所趨向著有四書講若干卷

明

俞深字景淵桐廬人學問淵洽洪武中貢入太學太

夏祖幸學進講中庸二字累百數言深得啓沃義帝

亦稱之曰天下能說書書生歷寧德阜平汶上教諭

遷建寧府教諭三典文衡取士得人著有範疇解

聽松文集若干卷

張復字明善淳安人德性宏毅博通五經而尤邃于

春秋郡守親聘司訓郡庠學者翕然宗之稱爲書

隱先生著有春秋中的一卷至今論淳安春秋學

余者必曰吳朝陽宋夢鼎魯道源張明善四先生云

洪源字子泉淳安人精春秋學洪武中以太學生授

安仁學諭專以明道務實爲先每謂諸生曰講學

須明闡道須行毋飾外以叨虛名歷教滁州邵武

福州持心如一日

夏嚴仲淳安人家貧好學洪武間爲邑學訓導弟子

及門者隨其質之高下而成就之若主事方鵬布
政宋興司務何賦中皆其徒也

方定字志安淳安人洪武間以詩經領京闈鄉薦分
教東平州轉海州預修永樂大典陞長泰縣學教
諭論所至造就有方有止軒集行世

余浦字士淵淳安人少穎敏好學與徐尊生交善著
作甚富以通經薦授本府儒學訓導轉國子監助
教致仕歸

主剛號慎齋分水人中正統戊午科鄉試任合肥訓
導陞任邱教諭引拔士類啟迪有方陞襄陽府教
授綽有蘇湖之風分試河南清勤著於二省居家
以孝友聞

俞廷貴字天爵建德人少孤力學領宏治四年貢授
平陰教諭平陰僻陋經學不傳廷貴啓迪多方風
氣爲之一振陞伊府紀善轉審理尋歸杜門課子
長子夔次子稷登進士壽八十六卒

劉侯字原道壽昌人父早亡叔應龍教之甚嚴年十
九以詩經領正德庚子鄉薦受業於王陽明先生
嘉靖間提學林雲同聘至天章書院

鄭棠字景名壽昌人少從鄉先生邵顧倫齋性理之

學且遠宗東萊之傳邑生儒皆師事之質以經史
奧義口如涌泉浙江分巡魏觀延見甚加禮焉歎
曰道學淵源文章富贍近代莫及也

洪蘊字廷器壽昌人數歲父口授尚書過耳不忘長
而博通子史百家下筆千言立就領正德庚午鄉
薦授邵武教諭廣置學舍館食諸生之貧者陞國
子助教出判鳳陽歸築舍蓮谷精研理學貫通六
經妙契一中之旨毅然以明道爲任上類宗之著
有讀易索隱大學叅義中庸通旨八詠析言等書
陳璠字良用建德人嘉靖壬午舉人從章懋學得性

理之傳知長泰縣有聲擢刑部主事

方應時字以中遂安人銳志潛修一宗紫陽之學爲
諸生卽請復瀛山書院建格致堂以祀文公迨領
鄉薦知長泰縣故朱子所治邑也舊有祠嘗廢力
請當道特疏留祀陞南膳部郎肅清權政告歸剏
宗祠仍仿文公家禮刻復古維風錄瀛山書院志
讀書漫興稿

繆冕分水人居鄉樸素取與不苟以貢授福安訓導
日與諸弟子講明理學隣學弟子多從之以老告

歸

翁恒吉字尚一壽昌人萬歷中以歲貢分訓海鹽陞
諭永康繼陞温州教授各有碑頌所至每訓人以
窮理致知躬行實踐為先學者稱為貞一先生

馬如電字晦吾建德人萬歷己丑歲貢倜儻有異質
孝友端謹通達時務郡邑有大事咸咨詢焉年七
十五手繕程朱語錄及經史古文日十數則毫而
好學誠僅見也長子騷有善行

方可正字允中遂安人閣學逢年之父也性謹厚規
範峻整望而知為端士受周易於毛光祿以貢授
桐鄉訓導葺學宮嚴課校擢壽寧知縣書故僻邑

首創延賓館集諸生問難入知向學焉獎孤寒清
王滯獄胥吏舞文立抵於法未幾以疾乞休時子逢
年典楚試便道歸省會疾亟索試錄觀之及刺璫
策問點首曰言人所不敢言可以報國家展吾學

矣旬日卒
余國貞字瑞人遂安人性警敏日誦千言年十一補
諸生執經汪總制喬年問期許以當世事庚辰成
進士授富順令多惠政歸里後社門不出徒步溪

山視世之榮利泊如也著有燕易支言兩研齋集
王文環字涵初建德人崇正辛未歲貢性端方為文

王峭拔以葩經傳授生徒從者雲集以為匡鼎復出
旁入子史諸書多所發明至生平取與泰然笑言
不苟正直之操尤堪為矜式

洪公述字毓昌壽昌人與兄公遂同有聲費序述賦
余性嚴尤沉心理學尋貢禮部分教永康轉黃巖教
諭先以敦倫訓士并教之騎射會時事變易陞寶
慶教授乞休邑鄉飲禮必先焉

國朝

王納表字乾所建德人事親孝性穎悟博極羣書潛
心理學日與生徒發明性命宗旨著有四書周易

訓要旁及醫方地理諸解順治四年充貢兩舉賓
筵年八十三易簣前一日猶講牛山之木章諄諄
以存夜氣收放心為訓其學力堅定如此

王瑞成分水人順治中歲貢聰穎好學初屬文尚雕
績體久之刊落浮華歸於雅正兼善歌詩旁通書
畫貢後一切屏當之惟取宋元以來諸講學書日

事探討分別淵源不爽銖黍嘗與黃晦本及太極
與劉伯繩辨致知及張考父諸子研精近世學
疑義皆持論齟齬不肯遷就而處事接物則又歸

美於和婉撰有沿波集

姜應勳字書竹遂安人博通經史尤深於易貫串程傳朱子本義卯角應試一日成六藝學使奇其才遂入泮爲人篤於氣義嘗開明壘堰濟江坂等處田數千畝鄉人受其利明末有不逞之徒犯總制汪喬年家者案治多牽引平人應勳爲辨真僞俱得昭雪後嗣通仕籍者承家學均以廉正稱贈文

王林郎

方元亮字乾一淳安人康熙戊午舉人任平湖教諭其教以白鹿洞規及胡居仁規訓爲宗而所景仰者尤在陸清獻公諸生皆承學惟謹嘗從儀封張

公講學吳會張深獎納遷寧波教授卒於官所著有下學淺言八卷講課條約一編行世

周上治字六雲淳安人幼耽墳籍靡所不津逮而歸

宿於易論語三書窮居却掃足未嘗一至市井所與遊多一時名士而與德清徐贇村先生授分尤深贇村官禁近而上治以年資貫入成均贇村歡然爲言於國子先生欲延以都講而上村投策禮曹已跨驢出都門矣贇村歎曰真可謂望塵不及也所著有易解論語解若干卷及苔園詩文集若

卷十九

人物

三

余叔純字與文遂安人邑諸生幼穎異受業于方可
正經史諸書靡不披覽貫穿而尤精於易下帷碧
梢山麓取羲文象數日夕研竅著有周易讀五卷
多闡先儒未發之蘊焉

方棻如字葑房淳安人縣學生性端謹嗜學於書靡
不窺工於詩長歌短什各極其勝而尤沉潛經訓
勃窳理窟往往剖析毫芒不留遺憾投徒課子率
淵淵源伊洛人來質疑開導至再二不倦嘗舉經書
蘊奧與四子書關通者紛羅箋注成書三十二卷
各抽經書通解外又有儀禮句讀二卷性理本義

三卷詩經類對賦一卷古賦一卷自咏詩八卷雜

著二卷

吳華字子翼淳安人年十八父爲山寇所擄華奔告
鎮戎發兵勦之父乃得脫刻苦力學食餼於庠授
徒百餘以敦行窮經爲舉業先著有四書大全尚
書確論弟狷字文五砥志篤學與兄齊名康熙丙
子舉於鄉足不履公庭家居課徒門下多知名士
方詞林字文山遂安人以諸生高等選入成均腹笥
淹博尤精於經學著有詩說春秋類言易想尚書

以節註禮記纂要諸編

周本字雅遠遂安人家貧好學於書無所不讀而尤
潛心於理學爲諸生試輒高等康熙戊寅貢入成
均文譽益起弟子日進及門至數百人多知名士
如燕之阿立恒淳之方黎如其最著者也年八十
二選授新城縣教諭官歲餘辭歸卒年八十有五
羣內行醇修事親以孝聞後出繼爲人後事之甚
謹不異所生人尤稱之所著讀易齋周易解中庸
吳解性理旁訓孝經纂註九經集解暨潛菴詩集嘯
雲樓制義若干卷行世

魯兆禧字宜英分水人篤志好修潛心理學以存誠
慎獨爲主四部書博涉靡遺家居講學遠近雲集
一時才俊多出其門生平方正自持而淡於榮利
有聲場屋者數十年屢薦不售處之恬然也年登
八十以明經終著述甚富至老不倦邑令李德峻
以藝苑津梁爲額贈之

姜聚元字萃如遂安人性孝友事兄如父愛姪如子
學長於易兼通春秋內外傳爲文縱橫蜿蜒歸於
清潔屢試第一居恒誘掖後進扶助孤寡嘗變產
以全婚姻解危難鄉人有相仇害者得聚元一言
立解散妻汪氏以父之全乏嗣備極孝養于歸後

卽以事父母者事舅姑尤得堂上懽心刑于化洽
內外無間訓子士炘士崙並登科第居官守正士
林咸以醇德稱之

毛搏霄字南溟遂安人際可孫士儲子也生而穎異

甫成童卽工詩古文詞司訓山陰清慎自矢謝絕

束脩士有急者周之大憲器其能以咳諭委之署

凡文廟學宮皆所倡葺也課率諸生無虛日道

與藝俱兩庠翕然宗之士風爲之變性恬淡不競

榮利外艱歸絕意仕進關澗濱草堂與一時知名

士飲酒賦詩曠如也所著有澗濱堂詩文稿子紹

憲聰敏能文少卽蜚聲膠序年十九居母憂以毀

而卒次紹載甫弱冠補弟子員有文譽亦早卒人

並惜之

方引彭字商賢遂安人歲貢生候選訓導早失怙恃

體羸惟繼母與兄是依比長潛心經史手不釋卷

爲文雄深雅健庚子朱中丞觀風高等拔錄書院

肄業癸卯鄉試呈薦不遇生平端重寡笑言嚴取

與臨終無一言及他事惟以孝友勉後人更囑喪

事不用浮屠所著有纂易講及諸石菴記藏於家

孝友

晉

夏孝先桐廬人父亡負土成墳廬其側一夕野火燎山將及坐域孝先繞墓號慟忽羣鳥濡羽沃滅尋于火處湧泉一穴味極甘冽溉田數百畝縣令李師名之曰孝子泉號所居曰孝泉鄉

唐

祝希進桐廬人父亡廬墓側芝草生有巨蛇至其所元和四年旌

許利用睦州人

據唐書

居母喪以孝聞有芝草八莖及

運樹一株產于墓廬詔旌表其門

陳京桐廬人有至行親喪廬墓大歷十年刺史蕭定

上言表其門時人目所居曰至德里曰加會

戴元益桐廬人五世同居庭木紫薇枝生連理咸通

八年刺史張蒸以聞旌其門閭

何起門建德人事親至孝父死廬墓屢有異徵大歷

中刺史蕭定以狀聞旌其門

宋

周大雅壽昌人登進士治平中居親喪廬墓三年羶

輦不入口有祥烏馴其旁趙清獻忤還自京師道

縣訪焉察其寔行請于朝錫以采帛改鄉曰至孝

里曰求忠

余機字大倫遂安人性至孝母喪明以舌舐之復明
如故嘉定中舉孝廉授江陰令有能聲

宋余德輝字克光孝廉余機子也性至孝父病親嘗湯

藥衣不解帶父歿後廬墓三年事死如生臨終囑

附葬父機墓膝下當事旌其純孝

徐亨桐廬人宣和初方臘寇起亨兄為賊所執亨叩

頭告曰家有老母兄能養請代其死賊捨其兄而

殺亨邑人義之立旌義坊焉

徐明建德人紹興九年母病剖脅取肝以療之母病

即愈建坊旌表

陸時雍淳安人幼孤貧與兄力樵以養母稍長補郡

又刺學生念母兄食不給語掌膳者曰吾食飯勿盡炊

願輟一膳遺母自以半膳分為晨午後登宣和二

年進士中博學宏詞科歷秘書丞知建昌軍請以

恩官其兒子

何崇源建德人母蔣氏年八十四抱患沉重崇源剖

右股肉煮粥奉母即愈後母再疾復行剖股母病

亦隨愈本縣躬親存問申府永免戶役

唐時澤淳安人兄弟友愛終身無間言知州鄭之悌

名其里曰友恭

陳師清建德人母年八十咸淳五年抱病危篤師清就魯取肝煮粥以進病即愈事聞旌表

蔣定德建德人母吳氏病篤醫不能治定德割股煮粥以進母病愈事聞旌表

徐大發建德人母劉氏抱病危重大發同姊五娘各割股煮粥奉母即愈事聞旌表

陳氏三子分水人莫詳其名因父抱患危重三子同割日割股煮粥進父即愈景定庚申知縣蔣曉立坊旌之

方彝淳安人事父 二孝知縣鄭之悌名其里曰孝

元

余丙遂安人幼喪母泣血成疾父亡不忍葬結廬古

山下殯其中日閉戶守視有牧童遺火延殯廬丙

與子慈盪撲不止欲投火中與柩俱焚俄而暴雨

火滅大歷己巳旌表其門

姜兼淳安人七歲而孤養母至孝母死哀慕幾絕既

葬獨居墓下朝夕哭奠寂居荒山中躬自樵爨疏

食飲水僅一衰麻寒暑不易厠里陳氏戴氏子不

能事其父母聞兼之行慙感而悔皆迎養焉

汪以興字伯可淳安人生母聶氏生以興一歲被逐

鞠于嫡母既長知其故乃裹糧四方尋訪日久食

絕草眠丐食至宣城方得遇遂奉歸養十年乃終

邵景新淳安人幼失父事母甚謹每遇疾衣不解帶

湯藥必親嘗而進母歿停喪三年卧棺側寢苦枕

余塊朝夕哭奠如初喪

明

姚甫字伯華桐廬人元末兵亂甫家頗豐奉二親匿

閩原山中倉卒間遇盜失散二親俱爲盜推墜崖

下觸石死明日盜退甫遍野號呼追求不得哭聲

徹天有告者曰爾親在崖下趨視之則皆死矣甫

用絳紬被二裹其父母以肩挑之乘夜奔至姚家

蔡山祖墳之右採樹葉掩之力作二晝夜成穴負其

骸殯于內仍負土築壘高三尺痛哭而出計遇難

時二月也不知死日每臨二月則終日絕酒食擁

爐而泣奉祭祀執爵哀呼如在膝下路人聞之無

不感動甫卽禮部尚書夔之祖也

王思正建德人事親極孝有司重其賢舉爲鄉老賫

冊至京敷對明切太祖嘉之授溧水主簿以母疾

辭歸終養遂允所請侍郎浚其曾孫也

何永敬建德人啟門裔也昆季四人並敦友誼父道

崇治家嚴肅訓諸子曰吾家世以孝著聞若等當

勿替家聲永敬敬諾不忘至天順間蓋七世矣一

門六百餘指皆同居共爨無間言成化元年詔旌

其門

蔡廷璫建德人父病篤焚禱請代遂愈母盲廷璫捐

資祈保母目復明人皆與之成化間奉旨旌表

毛彥恭遂安人祖希成行義為鄉里冠至彥恭子姓

益繁乃建家廟以聯宗族延師儒以教子弟躬行

孝舉同居六世食指數百雍如也嘉靖間詔旌其

閭曰義門毛氏族為遂安望非僅科第也

國朝雍正四年自彥恭祖希成伯廷煥父廷焄弟彥寬彥

信彥敏彥惠俱以義祀思義孝友祠

潘仲春字正和分水人父際喪葬盡禮同兄孟春弟

應春廬于墓左邑令旌其門後以明經官撫州府

教授屢攝縣篆循良大著

汪士臣淳安人邑諸生父病劇晝夜不解帶因積瘁

病目失明比父病痊已日亦復明人以為孝所感

父故叔嫜繼逝遺孤三尺親愛甚篤延師擇配分

已產以贍之鄉族稱其義

王瑄桐廬人幼失父事母至孝居喪哀毀骨立廬墓

三年羣鳥集于塚木喪畢歸鳥亦散去

方貫淳安人家貧採薪以養父母父母歿負土為坟

廬側三年虎至貫所亦不為暴終喪後繪二親像

凡事必告飲食必薦如親在時終身不娶壘奉有

司旌異

毛存元字時春遂安人十歲失父事母至孝母愉亦

愉母泣亦泣母志怒則長跪竟日必怒釋而後起

母病草存元甘不交睫衣不解帶祝於天願以身

代迨逝絕爨屏粒鷄骨支牀為孺子泣萬歷間

請建坊事詳張太史以誠墓志祀忠義孝友祠

應管淳安人父喪竭力以事寡母與妻汪氏日奉肥

甘終身無倦色平居崇師友好施與知縣鄭應齡

旌之

徐播建德人居父喪盡禮母病家被火乃衝火負母

以出母得生而播則患燎以死矣妻宋氏安貧守

志院道旌之

姜宗齊建德人父病篤割股救療以生父故家貧如

洗奉寡母撫幼弟不辭勞瘁母病焚香祝天願以

身代湯藥親嘗跪進母終以香木刻二親像事之
邵焜淳安人郡學生孩提時卽知謹事二親父遭重
疾百方禱治不效乃割股以進尋愈萬歷中學使
題請因旌孝以表之

馬軫建德人兄弟五人軫爲最幼早喪父兩兄亦亡
事母至孝母年七十終居喪執禮內外稱之撫教
孤姪不殊已由尤好施與屢蒙當事旌異

方汝成淳安人事父母溫清必敬父歿廬墓三年母
歿亦如之縣令海瑞親詣其廬題贈旌孝二字

陳倉淳安人邑諸生父性嚴奉事惟謹父歿事母尤
孝遇有疾湯藥親嘗衣不解帶母胡故廬墓三年
誦事庶母友愛諸弟撫孤姪如子晚歲掌紋現全

孝二字人爭異之

毛志溥字溥甫遂安人郡庠生性至孝棄青衿依子
章舍以色養爲樂親故以貧不能墓厝兩櫬于庭早
夜定省如坐其日火起庭中志溥號慟欲以身殉
忽聞墻壞櫬得無恙人以其爲至孝所感

徐萬照分水人邑諸生父志進崇正間任襄陽通判
手旋致仕丙戌山賊執志進索餽貧無以應萬照奔
前救父願以身代賊不應殺志進萬照奮不顧身

以頭觸之亦遇害

毛志宸號養初遂安人孝子存元季子天性不殊其

父兄弟共釜而炊宗黨義之貧民貸粟不能償輒

自引避志宸慰撫之更貸焉免其券丙午歲貢以

子貴貶贈如其官崇祀府縣鄉賢載通志

章琳字元器桐廬人節婦駱氏子六歲母病時值溽

暑卽能爲母扇枕入號小黃香母寢室後有巨木

多蛇母見驚病琳焚香額天是夜風雷大作拔木

出墻外母病卽愈母歿廬墓三年寒暑無間作哀

思錄數十章府縣申請旌表給以冠帶年八十卒

周世衍字安人事繼母極孝諱撫三異母弟析產任

所取嘗夜行得其遺金三十兩蚤起訪還之

戴起祥字警弦建德人國學生父卒哀號幾斃以母

在勉強飲食母年八十六卒撫棺慟日兒一終母

事卽相隨地下矣抱病伏土以哀毀嘔血而亡疏

聞旌表

吳朝容淳安人事母至孝母年登百歲又撫孤姪有

恩誼屢出家財賑恤鄉里直指李楠旌表

鄭中仁壽昌人邑庠生家貧力孝割股救祖母病竭

宋力葬三喪不以累諸弟鄉族重之

宋邦標建德人父病刲股和藥獲愈母病亦然居喪
蔬食三年起卧不離喪次兄死典衣以葬直指謝
廷傑獎之

何尚賢子景吾建德人事繼母孝母病刲股和藥以
進性如施與周恤貧乏閭里敬之

毛國章字思程遂安人邑庠生吏部一瓚次子事父
服勤盡孝及居憂廬墓三年足跡不至私室朝夕
哭臨如初喪承遺命為伯父一珍服三年喪費產
一無所取父多門故仕浙招之皆不肯往其篤行

周如此載通志

方雲槐字慕庭遂安人六歲喪父文謹事節母余氏
至孝家貧竭力躬耕以供子職又卜葬祖父母不
惜晝夜勞瘁負土成墳孺慕七十年有如一日晚
以德行賓於鄉旋壽終隆慶二年知縣周恪表其
閭曰節孝之門載通志

毛存德遂安人九歲喪父長得笥中父像揭諸堂定
省如生時民避流賊德獨奉像扶母簷以行母卒
毀瘠骨立出入告墓雨雪則菅履省視終身不倦
周惟一遂安人家貧孝養不遺餘力父鋒病亟割左
股療之後又割右股愈母疾俱延十年而歿哀毀

骨立廬墓三年撫按郡邑給冠帶粟帛旌其門

章九俊字公明遂安人父早卒母余氏苦節撫孤九

俊承懽無間以母命舉高曾祖未葬者蕩產營葬

知縣吳額以節孝垂光同族章九成節母黃氏繼

子竭力事之克成苦節後成病篤子可大籲天願

以身代兩次割股救親回生一門節孝今古所難

周學聖字東魯遂安人性純篤嘗割股愈祖父疾及

父病亦如之人皆奇其行父游京師家貧無以給

朝夕乃棄舉業力治生產俾父無返顧憂繼又念

大父以微官遠羈乃力勸解組歸以承歡侍養云

汪文光字南居遂安人始祖雲三至其身七世同居

食指甚繁克全孝友一門雍睦其時地產連枝事

詳相國沈鯉記文及吏部毛一瓚碑銘見藝文

黃詔字天語遂安人歲貢生天性純篤四齡父母踵

亡祖母躬親撫養稍長百方承順就外傳一日祖

母觸念門祚悲傷欲絕詔臨文指痛不能舉筆心

動趨歸及祖母病篤醫藥罔效告天割股病輒愈

然生平仁厚與物無忤而勇于任事凡關通邑利弊

侃然獨斷雍正二年崇祀鄉賢

國朝

鳳州府志

卷十九 人物

三

朱國聘字莘麓建德人性至孝父晚年髮落國聘藏之終身建白髮祠以志永慕郡守錢廣居旌之

詹符遂安人康熙甲寅山寇亂符負父疾走數里賊追及以身蔽父賊怒殺之父卒以免

毛周尹字藩侯遂安人性至孝母卒哀毀骨立順治乙未其父為山寇所掠索重贖周尹鬻產稱

貸三赴賊營贖父不得力已竭乃號泣請以身質代父歸數日其父往贖則賊已解散周尹不可踪

跡蓋死于賊中云妻王氏守節撫孤康熙中並同旌表時同族毛如絲父亦陷賊力不能贖乃以身

代父復自用計脫歸父子俱全眾尤異之方之琪遂安人侍父病衣不解帶及卒廬墓三年弟

為寇所擄母思念不已琪跋涉七年脩歷勞苦始得弟歸事聞旌表

童愷遂安人年十二父病籲天請代及歿悲號幾絕舍哀事母病侍湯藥目不交睫母卒哀毀廬墓既

盡孺慕極乾隆三年具題奉旌祀孝友祠王家泰字交如建德人邑庠生納表子也立身行已

無愧其父年五十餘值父母喪哀毀骨立同孺子慕兩獎優行再秩賓筵年七十三卒以子齡昌貴

贈中書正字

任鼎福遂安人母病額天虔禱五晝夜而愈居喪盡

禮廬墓三年康熙五十八年具題奉旌祀孝友祠

汪達淳安人母卒哭泣擗踊水漿不入口每一念及

輒嗚咽不自勝竟以憂思成疾而卒具題奉旌

吳建觀淳安人母喪號慟兩目俱昏父喪哀毀骨立

廬墓數年雍正四年奉旌

吳家駿淳安人母病癱以口吮之夜則焚香露禱願

減已壽以益母壽母終執喪哀毀既葬守墓三年

雍正四年旌表

余柄勛遂安人父卒廬墓三年事寡母尤孝謹服食

起居必親為料理母歿盡喪禮如喪父時雍正五

年旌

阮駿淳安人八歲失恃號泣柩前不飲食者累月年

十八父病篤額天求代及歿哀毀骨立廬墓三年

雍正六年旌表

沈如日字錫華建德人父病割左股以進得愈後母

病復割右股亦愈不欲人知雖大暑未嘗露體邑

令欲上其事涕泣固辭而止膺康熙庚戌歲貢

方函字君容淳安人事親以色養父遘篤疾醫禱萬

方不效函到左臂和藥以進家人無知者既而父卒不起函痛哭仆地袖中血淋漓乃知曾剜肉以醫也後舉康熙丁巳科鄉薦主司王鶴汀夢有凶服者來謁榜後徐察之頗似函因問曰子初服闋耶函謝以免喪久王悟曰凶服者孝子也詢之果然

唐和羨字汝梅建德人邑庠生性至孝父母卒俱廬墓三年有遇虎不傷之異

王思祖遂安人七歲喪母年十二父卒勺水不入口余親煖勸以祖父母在堂宜節哀乃勉食糜廬墓三

年事祖父母極孝值土寇亂祖被賊擄思祖奔赴哀號賊脅以刃不為動賊衆感其誠釋與俱歸踰年祖復被寇擄追及而祖已斃即號慟叩官兵進勦旋捕賊首寘之法其寃乃雪乾隆三年旌

魯旦字寅叔遂安人性孝友積學能文克惇彝紀凡有關倫常大義者無不極力仔肩贈檢討有傳

余性初遂安人幼即以孝稱嘗奉親避寇性初為賊吳所執脅從不允以計得脫謂人曰辱身則辱父母

不孝之大者也母病瘠躬親侍奉七十餘日始終不懈待父病亦衣不解帶者數月居喪哀毀骨立

四時祭祀必誠必恪歷終身如一日妻汪氏奉姑克孝嘗割股以愈姑疾乾隆十一年具題旌表

吳可職字恪承遂安人躬耕養親備極勞瘁父患目疾晨夕用清水舐之居喪哀毀廬墓三年乾隆十

二年具題旌表

姚鳳翔字瑞升遂安人性至孝父秉鑑從事幕府悞

焚軍刑法當死翔號泣請代哀動三軍帥憐而曲

宥之一日父宿中表家翔往迓適火發延及處所

翔衝烈焰負父出迨父母繼歿毀瘠骨立舂土成

墳廬墓三年有靈芝叢生塚上厥後歲時祭奠依

依鼎墓六十年如一日邑令曹維藩因名其庄曰

純孝事詳藝文

王基昌字文起建德人郡增生博古能文事親至孝

兄齡昌卒于官基昌徒步迎櫬京江張相國玉書

有孝友真儒之稱數困棘闈遂精意岐黃活人甚

衆既屏絕餽謝亦無德色年七十三卒郡人至今

稱之

毛奇英字洛少遂安人邑廩生弱冠居親喪哀毀骨

立每夜半悲至卽奔伏柩所號泣寤且見歿未殮

值寇至人皆趨避奇英獨守尸不忍去竟以獲免

若有神護之者撫孤孀有恩義訓生徒多造就鄉

甲欽重之

余國柱字尚賓遂安人邑庠生幼從父渡溪值水漲

舟傾國柱躍入波中負父以出弟陷網絀父憂之

國柱傾囊營救事乃得解侍親疾衣不解帶居親

喪淚常滿襟鄉黨共稱純孝焉

王國藩字與實建德人廩生性聰慧篤學能文幼失

怙事母極孝值母病親侍湯藥屢月不倦病劇乃

步趨齋雲山祖師前願以身代是夜夢神示曰吾

戒爾孝志及歸母病旋愈而國藩竟以憂勞成疾

矣聞者咸稱其孝孫錫田國學生克繩祖武母病

病兩次割股療之學使于公敏中旌以扁曰行似

左丞

方成林字又湘遂安人邑庠生幼喪父及長奉父像

於堂如丁蘭刻木意訓徒養母孺慕終身母歿悲

哀彌至竟以不勝喪而卒子象珊亦以孝稱

濮起元字振九分水人少有至性篤於孝養領康熙

乙酉科武舉以親老不仕日夕承歡依依孺慕年

五十喪母毀瘠如禮尋及父終遂不欲生哀慟成

疾逾月而卒黨共稱其孝

毛充麟字又玉遂安人母早亡事父竭力盡孝父年邁步履維艱充麟追隨几杖晝夜扶持兩載不宿私室父病割股和藥以進病遂愈

陳養卿字端人遂安人性至孝值閩寇至父被執時年十七冒衝賊營哀號請以身代賊為情動釋之侍母余疾藥必親嘗衣不解帶無少倦云

方可知字仲起遂安人幼循子職居母喪哀毀骨立事父曲盡孝養父避兵青溪冒險負米晨夕調護及為僕累受害號泣願以身代事乃得白年逾五十格事八旬老父依依孺慕起居不離雖如廁必

扶掖里人稱為老孝子

姜瀚元遂安人邑庠生山寇馬鵬繫縲胞弟淑元挺身追救濱死同脫虎口弟慶元弱冠侍祖母毛疾目不交睫祖母生而身死期親哀憐附葬祖塋以彰其順德兄弟孝義皆忘其身

王玉藻字文若王玉瑄字蘭若遂安人兄弟幼失所恃事父及繼母盡孝父故母病隔更番服侍日求人乳以進得延數年有幼弟繼母出愛養教誨扶之成立與叔析產以實田授叔曰母以虛產累叔也及叔歿復招諸弟姪至家給膏火勉其力學游

序其他惇睦行誼不可枚舉

姜統元字緒先遂安人至性膂力雖弱不勝衣而不

畏疆禦甲兵寇發諸兄被執老母汪最愛幼孫士

炳相顧錯愕統元奉母攜姪出入重險以死衛得

免營父母棺安不惜喪空終身孺慕有如一日焉

姜亮周字采思遂安人家貧事親竭力具甘旨於昆

弟雖一粥不忍獨食任山東章邱知縣清廉愛民

用刑尤矜恤五載囹圄空虛民稱姜老佛

余琪字人龍病顛天請代病痊母患瘋孿躬

數載衣不解帶居喪哀毀及葬寢食墓側

三年琪年八十子孫稱觴琪顧泣曰爾逮事父母

我不逮事父母孝年隱痛其有極乎具題奉旌

姚之官字廷九遂安人性至孝時遭寇亂擄其父以

求賄時之官在數十里外奔赴賊寨代父拘繫傾

囊委之得俱脫父病篤日侍牀蓐及卒哀毀三年

竟以傷悼成疾卒迄今子姓繁衍有聲譽序

汪可珍字名玉岸生遂安人明季寇發父尚欽遇賊

傷頸疾趨抱父代死賊見其孝兩釋之父尋愈母

病適鄰不戒于火顛天虔祝火熄病痊人稱孝感

馬天榮字爾星建德人國學生幼失怙家貧孝事孀

母數十年獨力成家後稍裕念長兄貧給田十六畝與幼弟同居無間晚出所積創立宗祠以收族合食內行修謹可風薄俗矣

夏繩祖字其武建德人郡增生自幼端凝慎言語寡交游孝友循循行脩門內非禮不履作文樸實講禮不趨時尚成就後學甚多而屢困場屋對生徒如大賓盛暑未嘗露體兩薦賓筵固辭不赴有古君子風焉

方元楷字彥璋壽昌人由歲貢任富陽訓導性篤孝母歿時元楷年已六十拜踊哭泣若孺子慕者家

哀毀骨立叔可上可豫時以大義乃強起治喪事

念邑令重其孝舉賓筵

方霖字澤蒼遂安人孝友性成家無餘儲舌耕以奉其親怡怡色養父患偏風飲食矢遺躬親服侍衣不解帶者三年人共稱之

吳文邁字越斯建德人乾隆辛酉舉人年十三喪父哀毀欲絕伯叔勸止之曰母在爾無過毀恐重傷母心從之就傅肄業誦詩至怙恃句輒掩卷涕泣章比長奉母不去左右色養備至終身如一日母年八旬卒居喪盡哀盡禮幾至滅性見者爲之惻然

昔人所謂純孝者庶幾近之

章華國字實旃遂安人性至孝八歲時侍母病衣不解帶母亡痛哭目幾為盲壯年喪父一慟殞地不能起遇祭塋尤竭誠致敬其孝根天性詳見藝文方禔字佺期遂安人少傳逢年曾孫孝友性成年十八補弟子員父為祖營兆域費每不支輒取其外家奩產以濟禔能曲體父志無後言與弟引祐分肥讓美雍如也

徐亮士字惠采桐廬人六歲父歿事母惟謹言動必遵母教弱冠游庠母年六十亮士以母節未彰走

請於朝三往返而後得旌揚之典士大夫各為詩

歌以贈及母卒廬墓側者十三年後病篤子孫請

歸亮士曰此卽吾首邱也命鑿穴廬側吾從親地

下矣卽曰號兩絕云一生壯志成春夢十載孤身

伴母墳七十八齡孺慕畢而今原下謁慈雲不窮

年寂寂卧荒原滿眼蓬蒿老半園幽境不離塵世

幻九泉何處是桃源遂率一女隣家失火徐室亦

燬而亮士母旌坊獨完人驚異云今學政雷給行

孚膠庠匾郡司馬史鳳輝作徐孝子傳載家乘

方環守丹書壽昌人邑庠生事親至孝母愛少子臧

獲構言謂有囊中物遺之環重傷母意絕不敢問
及生平嗜讀書熟史事後生有材性者娓娓講說
嘗授諸徒讀小學至王哀朱壽昌數節淚濕霑襟
垂髻就傅白首授徒而童年所讀之書偶有感觸
輒執卷傍徨踟躕如此可謂至性過人矣

章維寅桐廬人農家子也父早歿家貧母子相依爲
命年十歲卽傭工度日至人所與酒食必歸奉母
歷四十年如一日母死營塋地編茅墓側邑令張
聞之給以銀米後使畜妻數年卒無嗣鄉人稱之
吳之璜字田玉遂安人甫十齡母卒哀毀骨立父鰥

居朝夕定省終身如一其至性孺慕有過人者

汪松齡字夏植遂安人八歲好讀孝經及長先意承
顏兄弟式好以先世同居不私財不柝箸親歿喪
祭盡禮蘭溪令方邁顏其堂曰是亦嘉其孝也

鄭世法分水人邑庠生性孝友由選拔入成均大司
成深加器重甫到監聞母病卽乞假南旋省侍孝
養有三公不易之志處昆季怡怡友愛至老不衰
王幾分水人戶部員外靈鳳孫陽穀丞元輔子家中
落以肩挑供甘旨出外剋期必至無煩倚閭後母
亡每奔墓號慟幾絕不令父知恐傷乃心也厥後

庭生芝草見者咸謂孝思所致邑令申報學政上額以菽水可風

鄭永吉字六皆分水人操行端潔事繼母以孝聞有異母弟善撫之無異同胞家窶甚舌耕五十年資以奉母雍正年間奉採鄉賢邑紳士並舉永吉云劉洪豫分水人考授州同性孝友遭繼母不慈豫委曲承順母患背疽遍訪名醫不解帶者五十餘晝夜自是母心感悟并得厥考心胞弟洪臨自週歲至婚配遵母遺命時時與臨分艾痛共姜被終身不異釜甑子定發舉辛酉鄉科

申屠開基桐廬人少有至性及長竭力孝養父忽患疽醫者咸以為不治開基泣禱于神潰即以口吮之膿血舐盡而愈以視廁踰親慈者尤所難焉

文苑

漢

方儕新安人與弟儲儼以孟氏易自相講授儕為南郡太守封關內侯儲為太常贈尚書令儼為大都督俱以文學鳴于時

唐

吳少微淳安人長安中擢進士授晉陽尉與武功富

嘉謨魏郡谷倚齊名友善號北京三傑時天下文章尚徐庾浮艷少微嘉謨獨本諸經術雅厚雄邁人爭慕之號吳富體預修三教珠英以韋嗣立薦擢監察御史已而嘉謨死少微慟之尋亦卒有集十卷子鞏開元中擢第官中書舍人有詩名

皇甫湜字持正淳安人擢進士第爲陸渾尉應賢良方正科對策第一宰相李吉甫惡其直言置之不調久乃遷工部郎中裴度辟爲判官度修福先寺立碑求文於白居易湜怒曰近舍湜而遠取居易請從此辭度謝之湜請斗酒飲酣援筆立就度贈

以車馬繒綵甚厚湜大怒曰自吾爲顧况集序未嘗許人今碑字三千字三緘何遇我薄耶度笑曰不羈之才也從而酬之韓文公爲河南尹愛其才厚禮之遂爲韓門弟子與李翱張籍齊名有文集行世子松工文詞著醉鄉日月三卷其大隱一賦尤爲綺麗而得名在樂府宮詞

章八元桐廬人大歷中進士調句容主簿遷協律郎少從會稽嚴維學詩號章才子嘗於郵亭偶題數句維大異之遂親指喻數年充賦擢第其題慈恩塔詩元白皆爲嘆異且謂不意嚴維出此弟之與

郡司馬劉長卿更相倡和其名益著子孝標元和
 中進士為山南道從事試人理寺評事初下第流
 輩都為詩以刺主司孝標作海燕詩獨存忠厚侍
 郎庾承宣展轉吟諷卒以受知李紳鎮揚州請孝
 標賦春雪詩命題於臺盤索筆一揮深得風雅之
 旨無題一篇張為取為主客圖時人為之語曰前
 有八元後有孝標標子碣乾符中進士有集一卷
 行世其東都望幸一詩膾炙人口三世以風雅著
 名人多艷稱之

方干字雄飛桐廬人家蘆茨原詩才峻拔超秀屢舉

遊靈棲洞中穆甫微吟頻卽繼響深加賞異時姚

武功合方以詩名見頻中流欲暮見湘烟之什大

賞之卽妻以女旋舉進士歷官建州太守以禮法

治民民咸德之卒於官父老相與扶柩葬永樂州

為立廟梨山歲祀之

章魯封桐廬人少有雋才能詩與羅隱齊名頻舉進

士不第武肅王既破董昌辟為表奏孔目官累遷

蘇州刺史著章子三卷行世

宋

邵煥淳安人英年挺秀精藻逼人七歲時隨父兄應

舉時郡方建譙樓題詩于壁援筆而就郡守杜惟
一奇之奏令赴闕真宗以其年幼賜帛遣歸咸平
三年十歲復以童子名赴闕令賦春雨詩文不加
點是年登進士第除正字命於秘書閣讀書常引
入宮令賦睡宮娥詩煥應聲云玉腕枕香腮荷花
藕上栽乃命就職官至金部員外郎

胡楚材字公喬壽昌人慶歷中登進士授儀真判官
累遷至校書郎數以剛直忤權貴遂退居有勸之
仕者荅曰仕進易行道難仕而不得伸其志雖祿
而有愧于心君子不爲也卽默山搆堂以棊酒棋

李進士不第退隱於會稽之鑑湖初以詩謁武功姚
合合見嘆異于貌寢唇缺晚遇醫補其唇號補
唇先生嘗謁廉帥諛三拜人號之爲方三拜廉帥
欲薦之於朝而平已卒門人私謚曰元英先生光
化中韋莊奏請追賜及第唐末宰相張文蔚等奏
名名儒不遇者十有五人請賜官以慰其魂平其
首也宋范文正公守睦州時追泐風流繪其像於
釣臺以配子陵云

施肩吾字希聖分水人元和中舉進士第一好神仙
家言栖隱於洪州之西山以終嘗遺徐凝書云僕

唐州府志 卷十九 人物
忝成名自知命薄栖心道教養性林壑賴仙聖扶
持雖年邁遲暮幸免龍鍾其所得如此爲詩大率
言神仙詭誕之事然才情富瞻意度鮮華非塵土
中人所解道亦詩家之總萃也

徐凝分水人與施肩吾同時舉進士官至金部侍郎
始白樂天刺杭時以開元寺牡丹詩受知旣而與
張祜較藝祜自屈白公解道以凝爲元其漢宮一
曲段柯古錄之題襟集中凝爲詩心宋元遠閒淡
孤清儵然自得於言外香煙散習蘇其詩

李頻字德新壽昌人詩才雋異不凡少從縣令穆君
釣自適善屬文尤長於詩邑中山水皆有題咏落

筆不類宋人

方仲謀字公輔淳安人仁宗朝登進士第爲歙州推
官擢大理丞累官殿中丞秉性貞介而文采蔚然
所著有雉山集羸二十餘卷其爲詩不事彫鏤而
聲律渾厚絕無纖濃華媚之態

吳儔字子友建德人幼穎悟讀書五行俱下熙寧初

中賢良方正直言極諫科和平門內其讀書樓雙
臺在焉蓋自皇甫湜後三百年間儔始復中制科
方元修字時敏桐廬人幼有詩名政和初審察監大

觀庫後通判濬州嘗同呂居仁趙才卿入大名幕其詩善鍛鍊魏元英差無愧其人日見梅花詩云

雪淨冰融溪作鱗梅花經眼日當人北枝風力顧

吳不早東閣詩情聊一新尤為人所傳誦云

方閻字彥和淳安人年十八詣鄉舉與兄閻弟聞同

受業太學每試必迭為之魁一夕閻夢有告以七

竅比干心者後方食藕一士子來曰一彎西子臂

閻遂以此對士子詢其姓名書於几曰特賜進士

出身方知為道君臨幸歷右文殿修撰至金紫光

祿大夫閻判南京國子監聞官太僕少卿世美之

餘曰兩浙三方天下無雙

王昇字君儀建德人博洽多識尤邃禮易家居不仕

遂以山陰陸佃薦特起於家遂歷禮官晚以徽猷閣

待制還鄉里卒年七十九

余九齡遂安人熙寧進士少負文名時先聖像在建

王壽院西廡過者翕焉九齡請易地遷之因建為學

累官至中奉大夫

方蒙字逢原桐廬人與弟鼎俱登進士而蒙尤有聲

元祐間為殿中侍御史三子元修元若元矩皆有

才名元修為州判元若為右史元矩亦典郡

滕岑字元秀桐廬人平生嗜苦吟與陳垣相唱和其佳處自謂高視大歷十子所作詩凡三千首多警策咏秋晚有林葉踈逾響山雲薄易消之句入咸傳誦之宋景濂序睦州詩派岑與焉

王日休分水人紹興五年進士授朝散郎嘗著九邱余總要三百四十卷以進光宗嘉之進官一秩遷朝奉大夫

錢大椿淳安人幼有文名乾道進士官漳浦丞不事正苛刻有愷悌風秩滿遷縣令

翁應鵬字子直壽昌人博涉羣書登淳祐進士累官至工部侍郎理宗器之追贈其遠祖翁洸為丁大全所陷謫竄南荒上思其才遣使召之乃以訃聞上悼嘆良久命復其官

胡文亮字仁傑壽昌人淳祐中以資入官補登仕郎既而嘆曰吾家世以銅臭貽譏遂閉戶讀書寒暑不輟咸淳中以官至承信郎龍游王簿

項虎巖字子文淳安人學行淳祐十八冠鄉舉咸淳進士為武康尉值宋運終棄官歸

鄭大署壽昌人明春秋善詞賦寧宗朝舉進士授太

子伴讀累遷秘書省校書郎以疾辭歸

黃蛻字新之淳安人淳祐七年廷試進士第二方逢

辰賀之蛻答云欲與狀元留地位先將榜眼破天

荒次科逢辰果狀頭蛻學博而正著作不留稿人

得其片紙隻字必珍藏之自建昌軍僉判遷大理

卿所至以文學知名未幾歸老于家卒學者祠之

世於石峽書院弟宗仁字榮甫淳祐中進士累官司

農少卿亦多注書

許繼先淳安人家貧力學淹貫經史咸淳間以春秋

領鄉薦仕至宣教郎秘書省檢閱文字

龍字元登淳安人咸淳元年進士任安仁主簿

刻苦問學文聲籍甚少與方逢辰何夢桂為同門

友嘗見器於趙白雲為大書齋扁曰愛敬曰晉齋

何景文字俊翁淳安人潛齋從子同受學訥齋又同

年登第御賜聯云十門登兩第百里足三元以

黃蛻榜眼方逢辰狀元及夢桂探花為三元也初

授合肥簿遷監文思院學閭卓絕後進師之

汪自明淳安人學問博洽時稱汪六經撰禮林義林

四十卷

翁夢得字景說壽昌人通春秋端平咸淳中兩中詞

利隱居教授所著有春秋指南一卷摭實一卷要
論一卷紀要十卷盤珠纂論十一卷地理總括若

鄭時中字元璋壽昌人博學善屬文明五經兼通于

史以漕試得舉見宋鼎將移浩然有道世志研精

覃思作春秋指迷詞旨高遠

徐居佐字君輔淳安人咸淳四年進士歷衢州教授

精銳教授衢州有菊存稿一卷

詹駉字晉卿遂安人淳熙二年廷試進士第一度宗

賜詩歸第官至龍圖閣學士知定國府

吳季子字季翁淳安人年十七領鄉薦登嘉熙進士

授政和尉與兄洪德雄飛齊負文名號三吳子必

先亦有名

倪天隱桐廬人博學工文嘉祐中縣尉江賢建講堂

于先聖殿後延天隱主之士風丕振

邵桂子字德方淳安人吳攀龍子也鞠于所養因從

其姓以博學宏詞登進士第教授處州棄官而歸

鑿池構屋扁曰雪舟所著有雪舟脞談二十卷脞

談

卷十九 人物

稿十卷又做周易作忍默恕退四卦以自警人多傳之

汪斗建淳安人宋末遺老也嘗爲學官隱居不仕其詩大有聲律號雲留小稿

元

洪震老字復翁淳安人延祐中領薦與時相書言詞鯁直士論避之未幾棄官隱石壁峯下著有觀光集日以吟咏爲事其詩氣格昂然不落卑調覽物品流徃徃超脫

夏溥字大之淳安人明易象春秋之學爲文雄深簡

古領至治三年鄉薦爲安定書院山長轉龍興教授新安趙汾嘗問及詩法溥曰格欲高而律肯嚴句欲圓而意貴新其教授豫章嘗從虞集遊集喜其詩曰自成一家稱爲夏體云

何正字守中分水人至順間應薦授鰲川書院山長轉寧都下河巡檢尋棄官歸號雲壑道人能詩初被薦時試以春草詩絕有風調人爭傳之

方子京分水人隱居山林至正間應薦起試以鑑湖風月詩時試者百餘惟子京擢居前列除嘉興路吳教授致仕歸

吳暎字朝陽淳安人八歲能詩文不屬稿而成泰定

間登第出丞番陽奏罷民賦葉金之困轉峽州路

經歷歸授徒講學從者雲集所著有齊城集麟經

賦并詩文二十卷

李文桐廬人博學工詩與楊鐵崖宋潛溪友善夔夔

子山器之行省檄為本縣主簿不就遂與吳立夫

游金華山中飄然有物外意以詩文自娛所著有

近溪集

宋夢鼎字翔仲淳安人與弟季武俱明春秋登至順

中進士任婺源州同知轉睦州推官遷奉議大夫

知奉化季武中至正乙科

陳鼎新淳安人工吟咏著述甚富吳朝陽鄭德彝深

重之倡義田以給庠校官至教授卒

明王則

徐暉字仲由淳安人幼穎敏日記五千字及長博習

經史善屬文鄉里推為祭酒洪武初辟教邑庠三

年自免去已詔徵秀才力辭歸號巢松病叟葛巾

野服優游山水間以詩酒自放有巢松集

徐尊生字大年淳安人七歲能詩十五善屬文經史

百家之書靡不淹貫洪武初以遺逸舉與修元史

竣事俾編禮書修日歷時翰林學士承旨宋濂乞

致仕上問卿歸誰可代者濂以尊生對乃拜翰林

應奉草制悉稱旨尋以老疾歸所著有春秋論一

卷制誥二卷懷歸還鄉等稿二十六卷

唐宗魯建德人以文名洪武間由辟召授工部侍郎

病乞疾歸既痊赴補左遷麻龍縣丞卒於官

王興字行之分水人洪武中以明經為本縣儒學教

諭啓迪有方給事中徐日新薦於朝徵拜楚府長

史

魏潛字源啓桐廬人洪武中由儒士舉授尚寶司丞

以文學名陞東昌知府致仕歸弟溶字源溟洪武

間舉明經任至監察御史

王納字近仁桐廬人幼篤志于學舉明經拜監察御

史陞山東按察司僉事卒

林謹字天節遂安人洪武丁卯以詩經魁福建鄉試

授大理評事因疾乞歸尋起為開化教諭修永樂

大典當遷秩諸生詣闕留俾還開化累司文衡去

取惟公

詹克誠建德人洪武初以明經舉為臨海教諭子志

永永樂初以明經舉為雲都教諭孫仕本天順間

由太學生授潛江教諭三世秉鐸訓迪有方人並稱之

汪興初字陽復淳安人少嗜學以詩文鳴洪武庚戌

守將薦之朝上方觀書命作詩立賦以進有松影

上堦春滿地讀書得暇問蒼生之句即命以白衣

林侍講踰月授儒學提舉尋以親老乞歸庚申復召

見對策第一擢太常寺卿辭不就遂命白衣巡撫

山西卒於潁州人

邵亨貞字復孺原籍浙江嚴陵人後徙居華亭卜築

溪上以貞溪自號博通經史贍文詞工篆隸為松

江府訓導卒年九十三有蛾術文集四卷蛾術詞

選四卷

汪改字遷善桐廬人洪武中領鄉薦授丹陽教諭獻

三策于朝深切時務陞臨清丞永樂初棄官歸自

號桐山歸牧以吟咏自適晚好神仙年八十餘點

校丹書不輟詩文取達意不事雕績肖其為人

方添童字以銘壽昌人天性聰穎博極羣書洪武中

以儒士薦授龍溪知縣政尚寬厚卒于官

周淵明字孟潛壽昌人早孤勵志向學兼工書法洪

武中郡縣薦入中書科寫誥授工科給事累遷四

川布政司參議居官尚儉素退食之暇手不釋卷

後朝京師卒於途人早孤志學

項伯英建德人中建文元年鄉試授池州府建德縣

教諭教士有方多所造就陞工科給事中

潘釗號勉齋分水人博雅工文由歲貢選重慶府教

授重慶古渝州地釗先世有名進者仕渝州刺史

曾入名宦釗廣搜舊跡著巴郡舊治錄旋卒於任

殯之日一棺外無長物郡人莫不哀輓贈賻資其

子扶櫬以歸

傅宗字本厚建德人少負才藻宣德中山鄉舉授貴

池訓導遷國子助教擢翰林檢討兼右春坊陞雲

南右叅議改四川松潘叅議卒于官歷任四朝無

銖積以遺子孫有清白聲

周時雍遂安人宣德中領鄉薦授南昌府同知為人

純篤民皆化之及歸日以讀書為務

邵崑字彥璧桐廬人正統中領鄉薦授常州訓導改

吉安景泰二年聘典會試取羅倫等陞餘于知縣

以治最遷撫州同知尋轉九江知府歸

姚膚字智仲遂安人天資英敏磊落尤嗜學弗倦博

覽載籍未華于言立就名噪膠庠嘗講學授徒一

時得雋者多出其門性喜吟咏有登發峯絕頂及
觀靈巖瀑布詩載邑志

姚富字士傑桐廬人正統中領鄉薦授廬陵教諭景

泰九年順天聘同考取士甚公丁內艱改江都縣

學尋陞代府長史多所裨益以疾致仕

許徽字畏之淳安人聰穎好學正統間領鄉薦授應

天府通判在任以清慎聞

勝志學字希賢建德人文行早著景泰中由舉人任

潼州知州先是州學傾圮志學撤而新之士風振

發登第者相繼焉

大旨恬雅閒靜不以紛華易志見莊懿公既貴拱

壁韜邱園足跡不履公府惟以讀書吟咏為事鄉

里咸重之

方淵字宗源淳安人瞻詞藻以太學生授蒙城令一

以愛民為主廳事四壁編書先正格言以自警秩

滿引年卒于家所著有龜鶴山人吟稿二卷貽晒

稿三卷

唐璉字禹錫桐廬人博學能文為名諸生宏治間郡

守李德恢聘修郡志後以貢任松江訓導著述甚

富士林誦之

商汝頤字景貞淳安人宏治間舉人累官湖廣叅議
幼嗜學爲文精密綽有姿態其詩覃思遠詣如素
障子雖無爛目之華欲摘其瑕亦無下手處

程文楷字守夫淳安人穎敏好讀書督學吳伯通奇
其文擢冠兩浙領宏治五年鄉薦與王守仁林庭
梯友善履和盈几爲一時所稱著有方丈集松柏

稿春崖雜稿

徐球字廷美分水人少負文名領成化丙午鄉薦初
任桃源縣教諭陞南京國子監學正預修憲廟寔
錄陞梧州府同知遷太平府知府致政歸壽八十

葉瓚字居易分水人中景泰癸酉科鄉試任上饒
導年饑捐俸賑給陞元城教諭父就養卒於任扶
櫬還至呂梁舟觸石幾沒瓚撫棺慟哭舟忽泊岸
觀者異之後秩滿入京預修英憲二廟實錄尋致

仕著有居易軒詩集行世學士外郎平賦濕濕凡
吳福字天錫淳安人景泰三年進士授兵部武庫司
主事陞本司郎中致仕家居酷愛山水號雲峰居
士每以造就後學爲己任少叅徐鑑尚書徐貫大
叅邵新皆其高弟也

劉縉字廷重分水人天順己卯舉人初授教職陞武

自縣知縣因親老棄官歸養家居二十餘年足跡不履公庭其高風亮節

商良臣字懋衡淳安人文毅公之子也成化進士授

翰林庶吉士累官至翰林侍講卒于官良臣天資

淳厚文章器識有父風惜不克究其用云

徐端遂安人少有文名由太學生授武平知縣縣民

不知向學端改建學宮於爽塏之地銳意作興訟

者從容曉諭未嘗輒加以刑人皆悔服先是邑多

水患端為築堤以禦之民遂安卒于官

胡拱壁字寶之淳安人穎敏好學經史百家皆貫通

三有雲松遺集

鄧椿字德邵建德人少負文望領正德己卯鄉薦授

武進教諭兩省聘主鄉試皆稱得人丁內艱歸服

吳闕補南樂學陞寧國府同知加薦擢黎平府知府

致仕歸

王秉中字端木建德人中正德庚午鄉試第五設教

鄉閭學者雲集秉中敦厚正直取與介然見者知

為有德之士卒之日無以為殮郡守張元電率僚

屬助賻

章芸字振芳桐廬人由貢歷河南崇府紀善世宗南

巡獻詩稱旨遷本府長史敦尚風節多輔導功所
著有崇藩疏稿琴山雜咏

馬致通字叔達建德人博學好古常積書千卷熟歷
朝典故以貢授金谿丞條上治賦清軍四事當道
王憐其才多所委重築城垣脩邑志治績居多致仕
歸金谿之人深頌之

吳世良字叔舉遂安人英慧磊落於書無所不窺走
筆千言立就嘉靖戊戌進士知長洲縣改國子博
士歷廣信府通判性濶達不羈賦詩縱酒千金立
盡卒以氣豪忤俗殺之日家徒四壁唯存詩文云

方寬字敬敷壽昌人以拔貢授寧德令博聞廣見著
著嚴陵賦彙括一郡山川人物爲士林所傳誦

邵蕢字原實桐廬人負才名舉嘉靖乙卯鄉科授涇
縣令三載歸居深山之中謝絕人事惟課耕讀以
樂其身有朱峯集傳於世

吳御字一龍壽昌人少孤力學以貢授膠州訓導著
海運策陞福州教授纂八閩通志校刻十三經註
疏日與生徒講理學於道南書院尋以病歸

汪瀚字子浩遂安人選貢生任商邱令吏治清肅調
蘆山縣邑人祠像思之尋陞慶王府審理正歷有

善政以老辭歸所著有易林闡幽識者珍之

洪試字時明壽昌人幼英敏嗜學由貢授鉛山訓導

遷文安教諭擢知賀縣大著循聲尋卒於官所著

有四書說約陽峯詩選

戴震字元吉建德人舉隆慶丁卯鄉試初署彭澤

教諭轉永新令以入計便道歸省見垂白在堂遂

不赴任杜門課讀不謁公府至民間利害盡言無

吝隱年七十卒著有詩韻指南偶陶寄言崇善約編

風世紀畧等集一派山人山人林池與語

張世揚字振之建德人幼負奇質補弟子員偶讀詩

復兩湖遷邑校以新文運及貢授萊蕪訓導捐俸

置田以給士之貧者擢興安教諭邑為新設鼓舞

振作士皆向風會歲大祲令不為賑饑民大困於

市當道移檄世揚撫賑乃大發倉廩民藉以生

徐鳴揚字子岐建德人醇雅嗜讀書舉孝廉為邱縣

令愛民如子擢潮州府通判半載投牒歸杜門著

命述不與外事有葩經折衷論俗俚言齊民簡編修

身要語等書行世

柴時暢號盈崗建德人吏部掾然父也文章行誼為

時矜式克萬歷丁未歲貢高尚林泉啟悟後學擔

慶少元
卷十九
八十一而卒
爰從遊者甚衆少食貧而不諂後子貴而不驕檢
躬以自謙治家以儉郡邑咸相尊禮久與賓筵年

俞有詔字聘吾建德人性醇謹萬歷壬子貢元授麗
水訓導轉公安教諭時公安江水衝堤修築有功
尋署石首監利二邑象有政聲再陞楚府紀善致
仕歸家貧設館授徒從遊者屢滿戶外壽七十五
子熙績敦厚有父風仕廸功郎

諸葛昌字季昌壽昌人幼穎悟善文詞以例貢入太
學大司成嘉其文行欲以賢良方正薦舉昌以母
老因辭所著有四六稗草編緝武侯全集行世

俞炳然字幼峯建德人幼承家學素履端嚴試輒冠
首尤長於詩賦郡守呂昌期聘修府志

馬從恒字常卿建德人生而敏慧八歲能文年十四
補弟子員卽有聲庠序會直指使觀風至嚴奇其
文拔置第一教授生徒皆一時名宿甲子赴省鄉
試聞母喪徒步歸里以不及視含斂觸枉幾斃事
父尤善養志有姊道孫姓夫亡迎歸贍養以成其
節後再赴鄉闈有隣女登垣以窺者峻拒之其操
行端方大率類此人

沈三畏字惺予建德人萬歷己未歲貢任餘杭訓導
制行端方有古人風聚書千卷手自編定弟三聘
字覺予天啓甲子歲貢任同安訓導博學多才學
使按臨適文昌閣成上賦一篇大加嘆賞陞直隸
鹽山令清慎自持
張立中字躍如建德人由拔貢生中天啓辛酉舉人
壬戌會試副榜初署上虞縣教諭啟迪有方士多
造就陞江西萍鄉令萍糧多包侵弊中力爲釐剔
積弊以清艱歸卒著有麟經正旨行世

姜燮鼎字理夫遂安人鴻臚卿習孔之子性恬淡無
紈綺習晚尚循序貢于廷毅然棄去徜徉山水間
與樵夫漁子笑語竟日所著詩冲淡雋逸迥出塵
表多隨手散佚好事者得一二藏之裒輯成帙名
高山集

余聯翮字雲將遂安人以春秋教授名雋多出其門
爲文原本經史春容大雅居家力持儉素歲薦例
有路費輸以賑饑閉戶著述有芥園詩稿弟聯翹
字雲昂文行與兄齊名

潘三極字灝六分水人順治壬辰歲貢選昌化訓導

改補新昌兩任教職留心訓士以薦遷金山衛經
歷衛瀕海有屯政鹽竈諸務三極悉條議盡善尋
乞休歸老事繼母友于二弟著有憶母九恨吟易
註河洛要言諸集行世
王應電字君闇建德人少高行卓孝友性生母得羸
疾時方童年割股和藥以進母病隨愈長兄早世
撫猶子如已子以順治己丑歲貢歷湯溪蘭溪兩
邑教諭樂育循循士多造就卒於官
方際泰字亨初淳安人秉性敦厚爲文精敏中順治
丁酉鄉試第五名生平淡泊自甘雖登賢書二十
餘載無異寒士家居喜習岐黃嘗蓄藥餌施人未
仕而卒士林惜之

俞雍字小邵建德人天才警敏下筆數千言儼如夙
構性仁慈喜施予嘗捐脯金掩荒郊枯骼自顧囊
空弗恤也充順治十五年歲貢任平陽訓導兵燹
之餘多方啓迪諸生如坐春風中尋卒于官
周上臣字右子淳安人清直孝友嗜古文詞素甘貧
敝衣冠窮達不易舉貢入京以母憂卒

方成都字穉華遂安人弱冠游庠食餼旋貢成均嘗
午夜篝燈研摩經史深入理窟爲士林所推重

姜奮渭字騰上遂安人性嗜學為諸生有聲嘗焚膏繼晷矻矻窮年發為文章理醇辭粹詩宗王孟著有拙存草兼工書法楷隸篆各擅其勝

童肇新字浣思遂安人性醇謹家貧或不能舉火讀書自若遂以文知名登康熙丁未進士杜門自守貧窘猶昔歿而里人惜之

宋鈺字式其建德人中丞賢孫也家教端嚴衣冠必肅素有文譽膺選貢授東陽訓導蒞任後捐建學署修復祭器五十餘事振興文教備盡厥職子五治之雲濤並有傳以孫楠貴贈翰林院庶吉士

方韓字若韓遂安人少負雋才跡弛不羈康熙乙卯鄉試以籌閩策為主司徐秉義所賞從乙卷中甄拔之明年成進士選入史館文名走海內尤善為古文詞議論氣勢如絕壁天懸騰波迅急歷官左中允

方士顯字伯陽淳安人少聰穎甫就外傳即學為詩年十一就試歸父檢其行笈得詩一章中有句三野渡舟難覓沙汀客屢呼乃授以杜詩一帙於是益大為詩一以雅潤為本風流趣好論者謂不減中唐錢劉諸子也尤善楷法賞其詩者并其書以

爲雙絕有偶存詩六卷賦二卷駢麗雜文三卷類抄五十卷又纂嚴陵詩選若干卷

王六吉分水人聰穎嗜古經史之外三乘九籥方書命訣靡不研精落筆便便諸體爲一邑文人冠順

治中以選貢至京考職卽歸養母嘗路拾金釵招宗還之越數日有潘某者攜女至曰此女非公幾無生望謹贖之以奉箕箒六吉却不受

爲其姪配焉著有秘潭集藏書

王六蒸分水人少工制義兼擅詩古文詞弱冠和詔生輒試高等以拔貢入太學撰石鼓賦鴻都懷古

詩益都馮相國見而擊節嘆賞名噪一時舉凡

丙午鄉試晚年司鐸嘉禾有師道尊嚴之目

方一鏞字野閑淳安人五歲入小學能誦文一千字

以上旣長益嗜學雪抄露纂自中經四部下逮雜

家錄成帙者以百數目力旣竭遂失明塊然獨處

以明經終然門外問字人接踵或求詩文輒口占

應之筆受者每愁腕脫其學問深博無涯矣莫得

而窺測也所著有履提道人集若干卷

馬天選字閑上建德人康熙癸丑進士授內閣中書

舍人遷楚雄府同知攝郡邑篆並著循聲因武昌

府知府未任卒天選賦資明敏詩文皆高雅入格
兼通數學著有耐寒堂集行世

王齡昌字敬延建德人康熙丙午亞魁癸丑進士由
司經局正字陞洗馬卒於官生平寡言笑慎交游
處已爲人不爲虛偽與弟基昌友愛終身不渝鄉
黨甘苦重之孫遠圖邑庠生朴品善書法有祖風焉
方克壯字元功遂安人康熙乙未進士學問博洽攤
經制賦光偉動人與修浙江通志秉筆詳慎識者
稱之性恬淡不樂仕進以琴書自娛家徒四壁意
豁如也後客死京師士多爲隕涕哀輓之章至盈

篋笥焉

周上如字汝石淳安人以明經授餘姚司訓博學工
詩古文詞所著有青苔園文集及各種吟卷生平
清潔自愛不染塵囂壽九十一乃終

汪周麟字遠侯遂安人九歲能文讀書目輒十行弱
剋食餼於庠冠軍者二十六次兼工詩古文詞才
氣縱橫方若韓重之請入韓蘇之室五薦棘闈而
卒不售士林惜之

烏從玉字春卿中隸子也建德人年八歲父卒於闈
哭踊過甚奮志讀書秉性狷介與人論古必反覆

辨難有質經史疑義者即從架間抽軸以示序次不爽尤熟歷代典故郡守梁聘修府志考訂精詳充康熙十二年貢廷試歸而卒

毛升芳字永大遂安人天才敏異五歲時見王子安滕王閣序元微之連昌宮詞便朗朗成誦比長益嗜學一日數行爲文頃刻千言尤喜宏麗之句康熙己未以拔貢舉博學宏詞試入高等授翰林檢討纂修明史秉筆謹嚴不愧史才家故多藏書朱墨離離皆三經點勘人叩之立應原委詳明竟日莫能窮詰所著有古獲齊駢體竹枝詞行世

柯茂蘭字崑芳桐廬人篤志嗜學工制舉義兼精古作英偉超邁每見賞於哲匠生平著作甚夥數奇宋不遇以明經終士林咸惜之

方儒林字需人遂安人少稟穎姿九歲遊庠拔入太學博覽羣籍工詩古文詞而尤長於駢體著有漱

石園集輿圖彙考新韻考若干卷

姜聯元字南渠遂安人幼穎悟受易於父日依隨研究領鄉薦爲文潔淨精微訓子侄及遠近士多以經術著名四薦禮闈師儲在文苑古雅授中書改臨安教諭年八十卒士人如哭私親有歷

代帝王歌行世

洪沛字文濤壽昌人爲諸生試輒高等食餼於庠旋

充歲貢肥遁林泉甄陶後學遠近負笈者數百人

率多成就屢與賓筵子定發亦有文名

葉瑞英字子千壽昌人補弟子員孳孳好學弗倦性

尤嗜古書遐蒐博覽靡不通貫嘗手註南樓詩十

卷弟子從游者甚衆

宋洽字伊人建德人幼聰敏未弱冠餼於庠嘗與吳

明汪武曹份吳荆山士玉評選制義由貢生授昌

化訓導至卽葺明倫堂整理祭器以興學校爲已

任昌邑宿弊凡祖父未列膠庠者雖土著家人無

得與試必索重貲乃得就考洽詳請禁革寒賸得

以進取因勒石誌焉又諸生七人以非罪被誣洽

力辨雪之在任一十八年以老辭士民留之不得

相率送歸年八十六卒以子楠貴贈翰林院庶吉

士

毛郁芳字左戡遂安人郡廩生父文恭殺時左戡年

尚幼哀毀異常及長下帷攻苦積學有聲嘗以經

術自治并引掖後進又性慷慨喜施濟雖傾困弗

顧也有凌孤寡者必引手解救之比及歲薦而卒

年七十交... 方引禕字純... 寇儼郡庠生... 有以貧自鬻者... 經授嘉興府訓導課士嚴明卒於任

黃喬林字仰山... 宏深肅括而形容古峭弱不勝衣... 過人待輝如已子訓子弟亦多名傳藝苑者... 黃鑿字長西遂安人性孝友弱冠遊庠博涉經史每... 試冠軍講明理學兼工詩詞有陶謝之風

且復亨字乾生遂安人少負異才為文奇崛古奧屢... 試冠軍隨父任舒城適流寇圍城贊畫軍機舒民... 有公子殺賊之譴旋膺選拔以養親不仕杜門課... 子年近八旬好學勿倦子振蕙成進士猶賦詩叙... 房稿所著有果齋詩史諸集崇祀縣鄉賢祠

余衡字鑑思遂安人邑庠生性孝友天資敏達研窮... 經史數奇不遇惟嚴子課子庭訓孜孜講貫無間... 余寒暑子士依成進士... 余茂彩字靜公遂安人歲貢生孝子余琪長子少穎... 悟博通經史家貧資修脯以孝養季弟亡撫姪如

子教育備至嘗毛錄大全性理諸書與同邑名
余程七藝課尤工書均晚嚴庭訓子元春乙卯選拔
余鼎錫字綸三遂安人弱冠遊庠雅擅綺才數奇不
偶生平孝友仁厚與諸昆弟尤篤好無間日惟閉
余戶讀書屏絕外務子任賢登賢書居官清正人稱
庭訓云
余士儁字次許遂安人性穎悟弱冠補弟子員試輒
高等於諸子百家靡不淹貫走筆千言為諸先達
所器重屢困棘闈而胸次悠然晚年益自砥礪嘗
夜集子若孫勗以六經大義亶亶不倦云

黃雲五字集眉遂安人喜讀書善詳音釋尤端方好

古能宗朱子正心誠意之學

方引禴字孚若遂安人歲貢生潛心好學尤精制舉

葉葉丁酉鄉試僥得復失生平嘗取袁子凡功過格

持以勸人

黃廣禧字箕五遂安人邑廩生年未冠詩文立就屢

試冠軍所著有蒙山藁膾炙人口諸士多從學之

方引韶字子超遂安人少穎悟多神解十歲仰詳辨

音律凡鈞元素問諸書寓目輒了尤精於易著

有讀易凡例天心集及各詩賦藏於家古文

王起東字震舒遂安人性警敏嗜學工詩古文詞授
徒西泠與諸名士唱和毛鶴舫方潤仁深器重之
以明經終所著有得隣草堂文集

吳廷銓字簡衡桐廬人嗜學工文才華瞻逸尤長於
詩賦駢體年二十六領康熙丁卯鄉薦三上春官
不利卽杜門講學殫心著述刻有上清集行世

張烜字天佐建德人君美仲子也天性孝友能文澹
於名利念父死倉猝逢忌日必素衣冠潔齋祀事
愀然終日危坐借兩幼弟同居至老無間言授徒
數十年負笈接踵教人先德行而後文章嘗矯蔡

澤之言曰富貴不可求壽則吾所自有耳膺其後
兩與賓筵年八十六卒祀鄉賢長子雲鳳卓犖有
至性年三十喪偶以有子不更娶依依父母膝下
七十歲如嬰兒時人嘆羨以爲有老萊子之風云
次雲鵬雲鸚別有傳

宋之灏字飛雲建德人由舉人注籍中書器宇凝重
孝友淑躬學術淹博兄法早世撫其孤備至及長
旣婚而後析箸焉連赴禮闈俛得復失者再遂閉
戶著書間以詩賦自娛有春秋心裁滄嶼文集藏

於家

吳璟字覺先淳安人好學工文勃宰理窟而一歸之
 於醇正少補諸生名譽日起康熙丙子始領鄉薦
 癸未會試俛得復失處之怡然所著文稿多散佚
 間有存者學子羣奉為指南云
 汪漢字文石淳安人博雅工詩耽遊覽一節一笠守
 內山川涉歷幾遍每遇風景勝處一以古錦囊收
 之復以吟咏之際間習繪事慘淡經營一歸殊絕
 往往有前輩之擅場著有歷覽吟率性草若干卷
 陳禮字在魯建德人邑庠生沉潛好學手不釋卷教
 授生徒成就甚眾如宋楠宋載皆出其門所著有

性理要說見山園四書會解藏於家

方棠如字若名淳安人穎敏有記功數千年書史畧
 皆上口擲管為文頃刻輒成數藝藻采斐然嘗依
 則平水韻賦落花詩三十章不終日而畢見之者靡
 不嘆為絕工也弱冠遊庠久躋場屋年五十餘卒
 著有憩亭詩稿若干卷
 程夔字韶一淳安人賦性恬淡不惟讀書不與外事
 尤留心文獻於郡邑軼事及鄉先輩詩文散而弗
 傳者率手錄成編兢兢藏皮為諸生有聲場屋數
 奇不售以明經終著有半塘文集宜園詩草西湖

集青溪小志各若干卷

楊王發字又周桐廬人康熙癸未進士少負才名詩

文疎俊自喜不假構思於遊戲中濡墨一揮淋漓

滿幅雅不喜雕績嘗自著文論云星稠綺合而無

逸響高韻蕪音累氣不入大雅識者避之任華容

令歸蒔花釀酒以嘯咏終其身

陳運洪字子瞻壽昌人少聰穎年十九補諸生博通

經史尤精地志之學與人談山川扼塞及歷代攻

守壁壘處所粲然如數掌上羅紋授徒講學數十

年多所成就年逾七十始以歲貢在天台訓導一

載歸著有易經講義芸窓必讀諸書

毛可威字揆臣壽昌人少稟異姿年八歲隨父彩官

華陽舟人巫峽母吳口占云風把官程滯可威仰

應聲云人緣山色留自是以能詩名長益肆志古

學筆力雄健直追古作者年八十餘遇同人社集

猶拈韻賦詩其風雅絕可念也終歲貢生

翁益德字君茲增生壽昌人性嗜學博古能文督學

顏劇精藻鑒拔置首選戎子鄉闈免得復失遂絕

意進取研窮經史著有樂是居四書合叅藏於家

宋溱字唐州建德人康熙己卯舉人幼聰穎出語驚

宋人及長博極羣書長於詩賦兼工楷法畫品踵門
求者戶外屨滿鄉試受知於溧陽史公夔覺羅滿
公保晉以國士目之後滿總制浙闈招之往適臺
灣告警借之廈門出奇制勝溱運籌之力居多平
生敦孝友睦宗族喪偶不再娶人尤義之

張鳳藻字九儀建德人邑廩生博學多能由例監試
北闈不第精青烏術以毘陵高侶嵩聘刻鉛彈子
書乃攜次子遷居無錫年八十授全州吏目越五
十年歸錫山卒著述甚夥鉛彈子其尤著者也

馬岳生字誕申建德人幼失怙秉母教弱冠游庠食
餼旋充例貢終母喪遵營田例入貲以知州出
隨班分兵部車駕司學習雍正癸丑卒於京有選
訂考卷誠中集行世

鄭典字五玉分水人生而穎悟七歲能詩多驚人句
甫冠受知於太倉王相國奇其文有國士之目自
後試輒冠軍遊其門者數百人多所成就所著詩
文甚富貧不能梓惟評選三唐詩律六卷行於世

吳惇字厚存淳安人甫總角爲草寇所掠母王氏哭
之失明惇歸呼天號泣石以舌舐之復明好讀百
氏書爲文骨力堅凝古色斑駁宿儒咸器重之

方天禎字周卜遂安人性敏慧平居以孝友稱尤工制舉美著名膠庠爲詩古文詞頃刻千百言人咸服其敏捷康熙乙酉領鄉薦屢因公車需次縣令以不獲祿食爲恨賫志而歿

張雲鶚字次升建德人康熙丙戌進士以親老不謁選郡守吳昌祚延爲書院山長訓迪有方士子多往請業得其指授者皆成名下士及親卒始任澄城令以徵科不力考罷士民籲留節使將題復之雲鶚堅辭歸卒生平學問淹貫論文一事雅宗說理必期有物少與淳安方婺如友善同舉南宮文名頗相埒云

吳敦舉字方侯淳安人生而穎異年十三補諸生每試輒列高等文章融貫經史成一家言康熙丁酉領鄉薦何義門陳滄洲諸前輩皆器之謁選得景學諭辭不赴任卒於家年八十六

詹銓吉字卜臣遂安人生而穎異幼卽勵志經籍及長益肆力於諸史百家之言爲文清新純粹康熙丁酉舉鄉試第一元墨出人皆以爲名元己丑成進士選庶吉士授檢討以手顫不能楷書告疾歸生平孝友睦雍鄉黨無間言居林下三十年足跡

不入城市士林咸矜式之所著有燕臺集雙柏軒
集壽樟樓集共若干卷

宋楠字丹林建德人雍正庚戌進士癸丑補殿試選
庶吉士授檢討丙辰丁巳分校禮闈稱得人陞左
春坊左贊善平生敦行好學詩文樸茂典雅卓然
有聲在史館纂修明史綱目簡核有法爲總裁官
所稱許以父老乞終養歸竟先父卒未展厥蘊士
林惜之

方引隆字顧三遂安人甫四歲而孤家值中落北長
訓徒爲生孝養節母補縣學弟子員有聲序序凡

徵詩索文揮毫立應所著有詩古文詞唐詩集聯

吳璋字若印淳安人康熙丁酉舉於鄉以推擇爲內

閣中書舍人雍正庚戌成進士入翰林充起居注

官差往陝西宣諭卒於榆林給傳歸葬璋天姿卓

偉學優經濟文章超邁雄麗頃刻千言立就著作

甚富不自收拾往往爲他人取去年僅四十有四

不究所用人咸嘆惋焉

李潤奇字履常遂安人由鄉薦任杭州府教授敦師

範退奔競嘗作忠孝二儀爲諸生傳誦爭相勸勉

與修浙江通志考據精核陞湖廣同縣令蒞任

後教養兼行盡革雜派士民勒碑頌德旋致仕
任其重字自宏遂安人孝友性成言笑不苟弱冠補
弟子員好讀書爲文清簡有雋氣雖屢困場屋而
嗜古不倦典會所至發爲詩歌著述益甚富云

趙用礪字金友建德人祖昌祚父晟俱卓有文才用
礪稟承家學博通典籍有問難者無不立應後徒
數十年成就甚衆所著詩古文詞皆卓犖有致度
膺雍正元年選貢授職州判未仕卒

姜陞周字雲知遂安人邑廩生自少遵行功過格不
欺衾影於書無不讀學使屢拔前茅雍正七年督

學已考定選拔以趨侍父病不果學使深加惋惜

子禾拔貢

沈天成字錫元建德人邑增生父年邁師事長兄積
學厲行不苟交游爲文精思孤詣試輒高等屢躋
場屋授徒課子怡然自得人稱其有潛德云子二
逢堯邑庠生以次子逢舜貴贈如其官

方棡字紹南壽昌人性聰穎年十六補弟子員中丞

徐公元夢撫浙拔入敷文書院肄業得師友講授
爲文益有繩度卜居萬松山麓鍵戶課子年五十
二而卒子廷燊成進士

方成節字穉稷遂安人順治丁酉舉於鄉與兄子象

璜象瑛互相切劘精詣獨到授台州府教授規範

蕭整課士有方陞國子監助教未任卒

鄭良字錫公遂安人性穎悟過目成誦應童子試自

郡縣督學皆第一庚子舉於鄉策論與博尤為主

司擊賞著有省堂詩古文集及四書春秋文稿

鄭士瑜字爰美遂安人廩庠生天資穎悟講學伊山

辨於經義而麟經尤得傳心之要屢試冠軍與范

文自毛會侯諸人會文語石咸器重之兩薦鄉闈

不售所著有春秋輯要伊山近藝藏家

余國常字君夔遂安人少穎悟尤苦志力學由恩貢

入成均年七十尚鍵戶窮經辨析微芒不少輟所

著有麟經要旨藏於家

方象琮字玉宗遂安人孝友端方弱冠卽蜚聲庠序

爲文力闢時趨詭異獨宗先輩雅正迨貢成均廷

試列第二有沁園偶吟行世書法倣鍾王人得尺

余幅如拱璧焉

余國棠字君華遂安人補弟子員食餼於庠每試輒

冠其曹旋以廩貢授廣西布政司理問案牘之餘

猶孳孳問學手不釋卷云

黃雲英字項雲遂安人廩膳生幼能詩歌長益浸淫
經史貫串理窟晚歲尤精研易學著易略易隅諸
集藏於家

余肅徵字寅公遂安人以歲薦任寧海教諭課士有
方文風振起以薦陞霑化縣知縣抵任後創興義
學教養並舉士民咸德之

余鼎台字殿輔遂安人少穎悟弱冠餼於庠旋貢成
均大司成特加賞拔生平爲文簡奧醇粹尤工詩
右文辭興酣落筆千言立就縣志載其登樹聲樓
余詩亦頗可觀壽逾七十府縣重其品屢與賓筵

張域字定寰分水人例貢生兩薦鄉闈不售潛心理
學博涉羣書生平正直自持不信師巫邪說壽踰
九旬訓誨子孫皆成令器授禮部司務屢舉大賓
康熙二十九年崇祀鄉賢

劉騰蛟字尺水分水人由舉人任麗水教諭爲文瀟
瀚博通幾與韓蘇爭席嘗有鑒於世之司鐸者率
多面目可憎惟錙銖計修脯爲養老資於是獨闢
蠶叢抑弁競勵廉隅日坐講堂進諸生而陶鑄之
邑中咸慶得師著有西園草易經辨惑藏於家後
乞休歸

盛起魁分水人弱冠補弟子員試輒高等癸巳登賢
書屢上春官不第歸則課徒自給菲經枕史恬如
也尤以行誼自凜或有語以非義者正色拒之儔
人廣衆中恂恂無言及握管行文曲折排宕又勢
若懸河真文豪也

濮有攷分水人歲貢生潛心理學因雙親年邁不忍
遠游異地年七十始任奉化縣學訓導課廸多士
效許君鄉評月旦法生徒多成就有桃李滿庭
之頌越十載引年乞休優游林下屢舉大賓年八
十有五

王時培分水人拔貢生少孤事母曲盡孝道母死廬
於墓者三年平居寡言笑一及諸經疑義及文章
是非則議論侃侃不作兩可語聞者肅然起敬關
參倚園以授徒及門如劉金組王昌言鄭永吉詹
兆禧皆爲一邑之望著有易義附纂性命管見未
脫稿惟選生生原時文行於世

詹泰分水人邑廩庠幼奉父嗣德庭訓敦行力學膺
丁酉鄉科四薦禮闈不遇授中書旋改知縣未選
卒平居律已甚嚴待人甚恕儉約謙和足跡不履
公庭惟日與二弟講學論文邑中紳士咸奉爲模

楷云

劉金組分水人郡廩庠生孝友耿介績學能文歷試
 秋闈者二十二科康熙癸酉丁酉暨丁卯俱經房
 薦俛得復失卒以明經老然年至九十志未嘗忘
 鉅鹿也獎進後學娓娓不倦著有易經闡題及生
 生原四書文行世署邑令薛薦孝廉邑令王舉孝
 女歷舉鄉飲大賓

周觀濤字文江遂安人邑廩生每試前茅腹笥便便
 莫有涯際庚子秋闈俛得復失聞者惜之歷奉

覃恩晉贈中憲大夫貢士少及事母至孝

洪琬字文枚壽昌人邑廩生嗜讀書雅不喜制舉業
 好為古文辭嘗手註左國史漢等書凡三過年六
 十餘著李杜詩鈔至七十復選歷朝詩文成帙士
 林咸矜式之
 王起巡字清問遂安人郡庠生植品淳行嗜學不倦
 嘗屏跡下帷沈酣載籍中貫徹諸子百家而行文
 一軌於理法屢應督學試輒冠其曹有省齋文稿
 藏於家

蔣名芳字蘭洲遂安人弱冠游庠即名噪諸生間十
 戰棘闈辛卯丁酉呈薦不遇士林惜之又性喜吟

咏善詩詞兼工書法放跡山水閒興到留題人稱
雙絕云

余上遇字象山遂安人孝友誠篤研摩經籍嘗以首
拔補弟子員績學能文縣令重其文品舉介賓

葉正寧壽昌人邑庠生性孝友砥節讀書嘗爲其叔
王棺飄失無踪徬徨遍覓不得忽夜感夢有披髮疾
呼者告以故竟得叔棺所在可謂文士而有義行

者矣

姜如蕙字佩若遂安人歲貢生性孝友承祖父家學

淹貫經史自制義外詩古文詞無不精妙邑侯何
重其文品禮延西席絕不與外事

詹能裘字紹衣遂安人檢討銓吉長子克承祖父家
學補弟子員試輒高等旋膺鄉薦公車北上猶琅
琅詞聲不輟諫迺諸昆季蟬聯鵲起並占科名云

毛守垣字儒臣遂安人邑廩生勵志學問試輒冠軍
孝于親友于兄弟識者以大器相期而資志以歿
士林惜之

毛紹載字問渠遂安人際可曾孫搏霄子也爲人沉
潛嗜古年十七補弟子員每試入高等制舉業外
凡詩古文詞援筆揮毫淋漓瀟灑案雖家學淵源而

專心學問士林所難惜天不與年未竟其志而歿

嚴州府志卷二十

人物 武畧 義行 隱逸 流寓

陳

周文育字景德壽昌人本姓項氏名猛奴少孤貧陽

羨周蒼為浦口戍主見而奇之養為己子教以書

計文育曰誰能學此取富貴但有大槩耳乃教之

騎射大悅陳慶之使蒼往勞白水蠻蠻叛蒼與文

育禦之一日戰數十合文育前鋒陷陣勇冠軍中

蒼戰死文育馳取其屍身被九創請還葬慶之壯

其節遣之旋除南海令與杜僧明攻廣州為陳武

帝所獲赦之隸磨下帝討侯景文育為前軍屢立
 戰績嘗被賊圍數重矢石雨下所乘馬死文育右
 手搏賊左手解鞍潰圍而進大敗之景平封南移
 縣侯旋命討平杜龕破下張彪帝拒徐嗣徽于白
 城與文育會將戰風急帝曰矢不逆風文育曰事
 急矣何用古法抽槊上馬而進眾隨之風亦尋轉
 殺傷數百人有功進爵壽昌縣公蕭勃起兵廣州
 文育統眾擊之獲其將馮陽顏等以功授開府儀
 同三司後為豫章內史熊曇朗所害帝憫之贈侍
 中司空謚忠愍子寶安父歿後起為將軍領兵

襲封壽昌縣公遷左衛將軍領衛卿卒謚曰武

隋

陸知命字仲通富春人性好學通識大體自陳歸隋
 劉會高智慧等作亂晉王廣召令諷諭反者知命說
 下賊十七城以功拜儀同三司知命見天下一統
 勸高祖都洛陽上表請使高麗曰昔軒轅馭歷既
 緩風沙之誅虞舜握圖猶稽有苗之伐陛下當百
 代之末膺千載之期四海廓清三邊底定惟高麗
 小豎狼顧燕睡王度含宏每懷遵養者良由惡殺
 好生欲諭之以德也臣請以一節宣示皇風使彼

君臣面縛闕下帝異之授普寧鎮將煬帝嗣位拜
治書侍御史侃然正色爲百僚所憚遼東之役爲
東道受降使者布授方畧卒于師贈御史大夫

五代

童頤淳安人素有勇力武肅王時多著勤勞拜西扇
都巖將擢檢校太子賓客兼監察御史

陸仁章睦州人少有大志以窮困爲武肅王園卒王
嘗游園見仁章樹藝有智而志之及淮南兵圍孫
琰于蘇州繞城三匝無路可通使仁章設計入城
果得琰報而出由是益加稱賞累遷兩府軍糧

監使轉內牙指揮使王薨文穆王與兄弟同幄行

喪仁音進曰令公嗣先王伯業將吏且暮趨謁當
與諸公子異處乃更設一幄扶王居之告將吏曰

自今惟謁令公禁諸公子從者無得妄入晝夜警
衛未嘗休息歷官至保大軍節度使同叅相府事

魯侏字俶大淳安人與武肅王少有舊董昌兵起侏
約集鄉勇得八百人與武肅合兵破昌因以爲領

軍長史天福間平陳珣之亂累進光祿大夫賜鎮
青溪撫循周洽卒于鎮子榮嗣職嘗勸忠懿王朝

宋以保社稷後王欲與之歸命榮義不忍從太宗

賢之命忠懿以手札招榮授寧武軍節度使尋充
北路招討使從征太原晉封幽國判徐州卒

宋

錢魯淳安人與弟魯俱讀書尚氣節不仕宣和中方
臘黨類尚熾魯魯起鄉兵勦平之未幾金師大入
魯魯與同里方庚引兵桐廬據牛山之險以敗之
功聞各補承信郎衢寇張花項尋犯歙且逼睦境
又率兵敗之兩次獲以安

方庚字彥通淳安人少耕隴上歎曰昔周文育禦取
富貴鄉里以爲美談吾能荷七尺鋤獨不能運

二槩乎遂從人學兵法賣牛買劍橫磨之日以
自立足矣已而平方臘破兀朮屢立戰功拜承
郎子五人文燧文博文郁文思文翰俱從庚于
馬間有膽力能戰鬪淳熙中金人入寇哀義兵
之文燧以承信郎出身官統制文博承信郎文郁
進義校尉

于馬遂安人宣和初方臘反從之者衆馬與里人余
木杓獨不從朝廷遣王稟討之馬與木杓請爲先
鋒遂擒臘朝廷論功欲官之辭不就

余宗德遂安人與王功同以勇力著方臘始亂使人

招之逃匿及王師至乃自請爲先鋒與韓世忠同擒臘論功授秉義郎王功授承忠郎

童淑壽昌人身長八尺面如紫玉青睛虎鬚有膂力能挽強弓宣和中從征方臘有功擢殿前將軍建炎中汪來一等寇亂命淑討平之授江南路安撫使卒贈太尉

葉林淳安人多膂力能騎射天禧中開武舉科林應試魁選授前捲簾使卒後里人肖像祀之

楊次山字仲甫淳安人恭聖仁烈太后兄也后少與兄相失及既貴遣人訪之時次山爲學生宣見補官後以誅韓侂胄功拜開府儀同三司進少保封永陽王次山能避權勢不預朝政時以爲得外戚之體云

俞汝霖字季澤遂安人深沉有智畧慶元初辰州山猺猖獗朝廷發大兵討之汝霖應募乃同將官等入洞生擒之毀其巢而還又捕九溪全洞之賊授承信郎官至都轉運使

元

周仕顯字晦翁壽昌人宋漕貢進士德祐二年元伯顏入臨安命裨將唆都至建德安撫縱兵擄掠至

壽昌顯具酒食迎勞之說以戢暴峻都大悅表爲
本縣主簿領部伍共征閩海克捷有功陞授千戶
卒于家

明

王舉字彥高桐廬人少有大志及長嗜學好施與元
末兵亂舉與里人謀集鄉兵協力保障明兵入境
會舉率衆歸附授義兵萬戶子瑄襲職孫昱陞授武
畧將軍

何春字時熙淳安人膂力絕人時太祖自徽至嚴春
仗劍歸附累立軍功授百戶子斌武襲隸武昌衛

景泰初捍禦黃江陞副千戶

余仲友遂安人任廣西布政司都事宣德間太平酋
長趙暹叛藩臬薦其才奉勅主討抵其巢出奇計

平之陞河南布政司參議

周瑄字宏璧淳安人正統進士授吏部主事累遷福
建副使分巡道建寧盜犯政和松溪瑄嚴號令親
披堅銳夾攻而進擒賊六百人追還所掠婦女以
千計未幾高陽盜起瑄分遣儒生抵賊營諭以禍
福寇亂遂解尚書薛希璉上其功賜金進秩

吳學諱分水人習孫吳兵法從事兩廣勦羅徭寇屢

立戰功擒酋首陳世正等諱卒

方漢字孔殷淳安人景泰舉人天順初授御史巡按甘肅適北部入邊人民驚潰漢歷邊招輯番夷畏服成化中巡撫四川夷獠竊發漢奉勅監軍督師深入賊境設法搜捕地方以寧積功陞通政司叅議晉太僕寺卿卒

吳倬字克大淳安人成化進士授刑部主事遷貴州按察司僉事程番盜起倬單車論降之都勻蠻獠跳梁屢征不克巡撫鄧廷瓚薦倬才擢兵備副使設計擒之獲黑苗也富架等擣其巢穴凡破一百

一十餘寨威名大著賊望風奔潰是時萊蘭和壁犁田諸洞暨平麻六洞九姓諸苗皆歸附設府州縣控馭之貴州爲之一靖廷瓚上其功進秩二級尋遷雲南按察使移廣西卒

方思廉字士家任襄陽知縣治民勦賊懋著勞績錄軍功陞本府同知

章可試字星華遂安人萬歷舉人崇正中授舒城知縣張獻忠來攻可試選義勇設奇制勝賊奔潰明年復來攻伏砲創之前後被圍十有四悉賴以全尋以養母歸

陳熙廷字君穆建德人天啟舉人授連山知縣縣境
 中徭種雜處前令以勦徭啟釁兵連四載熙廷甫
 下車卽入巢招撫諭以禍福徭蠻悉平峒民虞山
 陽等謀爲亂擒獲有功制撫交薦其才遷象州知
 州

吳希哲字睿卿淳安人崇正進士司李惠州勦平九
 連山寇巨寇劉香肆毒海濱希哲以撫羈縻之潛
 修戰備約閩師會勦時寇舟薄潮城聞希哲至曰
 是官廉潔不爲利誘願就撫希哲開壁諭之乃引
 舟退舍會閩師至希哲贊畫出奇占風縱火焚賊

寇艦巨艘殲焉擢刑部科給事甲督理浙直練兵
 條理舒和軍需以辦

朱國玘建德人以貢授嘉善訓導累遷至思恩知府
 隆安土賊馬目伯以妖術惑衆肆橫猖獗率衆犯
 境國玘分遣官兵奇正互用一戰擒之餘黨盡散
 士民刻石記其功

國朝

徐國佐分水人順治丁亥武舉授寧羌衛千總隨制
 府孟忠毅平寇有功陞督標守備旋以艱歸起補
 南瑞鎮標守備適省城兵變國佐擒其渠魁衆兵

遂定陞撫州遊擊康熙甲寅三藩叛國佐從簡親
王討逆有功授叅將銜克復澄海功尤爲諸將最
加都督僉事以勞致疾卒於任所國佐善馬槊脊
力過人又能濟之以謀故効力行間皆有成績且
天分英朗工書善吟喜從諸名士遊皆以儒將目
之云

章鼎亨遂安人早列膠庠兼長武畧甲寅闖變邑爲
寇所據鼎亨乃倡義團練鄉勇保守地方鎮府給
以守備劄統領所部殺賊於峽源山等處由是邑
城得復嗣府上其功將授實職力辭不就家居

掃以詩書自娛而終

何文錡字鼎燮分水人康熙戊午鄉魁壬戌成武進
士錡性至孝不忍遠離膝下迨祿養念切不得已

補官陝西鳳協守備旋以軍功特擢蘆塘游擊壤

接土番恩威並用遠近寧帖大將軍富寧安嘉其

才累委徃巴里坤及哈密等處屢歷巡查凡九年

邊圉効順沙漠爲之改色著有塞上吟詩文集不

愧儒將風流康熙六十一年提督李麟特薦陞固

安城守營叅將固安係邊衝要地城守兼理軍民

政務錡尤著偉績莫能殫述提督路振揚又特保

薦靖遠副將壓鎮邊陲風霜勞勩者數十年竟卒
於官

張紘字步東分水人性醇樸有幹濟才山歲貢生初
授陳州府通判改調廣東高州判禮士愛民以艱
歸再補四川保寧府通判綽有循聲委署蓬州知
州捐俸修築城垣鼎新學舍政治煥然可觀而兼
具武畧時金川蠢動人情洶懼道路有阻梗之虞
紘往返大營綏靖邊圉安輯兵民屢著勞績復委
辦沃日止糧務殫心防護毫無貽悞竟卒於王事
所有任內辦公核減應繳銀兩奉

特恩寬免以慰忠魂行文在籍

李瑞生字子玉壽昌人少讀書工騎射補武庠生康
熙甲寅耿逆倡亂衢州震動壽邑土寇蜂起瑞生
奉委挺身入賊巢曉以禍福渠魁投順餘黨隨解
散大將軍暨總督疏其功授廣西守備值猺獠蠢
動瑞生勦撫並行屢著勞績年六十六告歸雍正
元年壽臻百歲建坊晉秩食俸三年而終瑞生嫻
習韜畧兼嗜文史圖書滿室嘯咏自適人皆以爲
有儒將風

翁纘侯字君緒壽昌人中武魁慷慨有志畧授江南

衛千總革除綱弊保護督運屢著勞績陞湖廣常

德府水師營守備常德為提督駐

緝盜巡江責任匪易績侯綏靖兵民軍政肅然值

黔苗作亂檄湖南兵助勦績侯論以禍福不折一

矢苗人歸順以功陞都司子奕培庠生亦諳韜畧

義行

宋

胡莊字吉鄉建德人推江淮總幹補將仕郎乾道乙

酉桃源寇作畫計擒之淳熙辛丑水旱相仍饑殍

甚衆莊以邑之山林縱人樵採民賴以生

項訓淳安人時詔給官價買義役田訓欣然割己田

應詔不受官價縣令嘉歎因其所居清溪鄉曰和

義千仞里曰歸善里

方萬里字子萬建德人嘉定四年進士趙汝述守平

江遇之甚至汝述卒賓客散去萬里獨護喪歸

方元龜號友山淳安人家饒于資時縣哀民財治廳

事元龜慨然曰小民疲弊吾請獨當之遂捐貲蹠

工不匝月而就令旌其義

元

姚椿壽字大年桐廬人讀書了大義闢樂育館聘名

師教子弟及里中兒性端直平生無二言與人交
始終見底裏鄉鄰有爭者得一言即解去歲飢周
人之急惟恐弗及稱貸者久則焚其券創世濟橋
于峨溪上橋置亭歲五六月施茗飲饌粥于行者
守令皆敬禮之

明

余郁字公文淳安人洪武初以薦授御史尋坐事論
夔門時宋潛溪謫茂州至夔病卒權厝郊外郁結
廬於旁守護惟謹後有鄭楷者宋弟子也為蜀藩
長史過夔郁泣而囑之曰吾為若師守墓三十年

今子來有託矣啟諸獻王改卜成都夔人高其義
立祠祀之

吳文憲淳安人嘗途中值暑浴於河有前浴者遺金
四十兩而去文憲見之即托疾卧其處及晚見金
主倉皇而返迎謂曰勿憂吾為汝守金其人願以
半酬之固拒不取

馬景福建德人獨立起家資盡分推諸弟歲飢周恤
鄉鄰有稱貸者久則取券焚之以明里親于汲疏
鑿甘泉井方廣丈餘覆以石欄井上有六郡守萬
觀旌曰德沛甘泉

此文政建德人天順間郡旱文政輸粟八百斛奉勅
旌其閭曰義門子綱成化間又輸粟五百斛藩司
行府立石萬歷中族孫鍊鉞二人復捐粟二百五
十斛府給冠帶以榮其身

黃宗貴淳安人仗義輸米五百石賑荒事聞詔旌爲
承德郎表其門

余仲濟余際陽俞則仍洪增洪肅並遂安人成化二
七年奉詔輸粟五百石賑濟飢民賜勅旌異載通

志義行

吳定字原正壽昌人累舉孝廉以親老力辭不就開

義學延師以造就一方聯宗族建橋梁救災恤患

憫匱周窮汲汲如不及

王景貴建德人性好施與縣北胥村路當孔道環以

大溪往來病涉景貴捐數千金建石橋長十餘丈

郡守李德恢題曰胥村義橋又建安仁橋砌釣臺

路鑿塘築堤人多利賴郡邑嘉之授以義官

蔣時慶字元吉遂安人爲諸生時舉行優迨領鄉薦

絕跡公庭里有以事相囑者叱之曰毋污我有稱

貸者貧不能償卽焚其券市中見鬻妻者詰其故

曰迫于債卽捐費代償值歲大飢傾囊賑濟無少

吝云

洪國史字君鑑壽昌人萬歷壬子副榜慕范文正公之風捐田二頃半輸縣半輸學以濟族衆邑人有義田錄記其事

商汝泰字景亨淳安人文毅公之曾孫也嘗作勸世直說戒火葬論鄉人多化之自港口至支嶺路險隘難行汝泰開拓修築行者便之凶歲鄉民貸穀不取息不能償者焚其券遇野有殍捐棺木埋之累舉鄉飲賓不赴

蔣試禔字後峰建德人同里洪子恩通糧鬻女試釐

代償遣嫁閩商林颺庭挾資千金遇嚴病篤封識寄鰲鰲乃厚殮之遣示其家越三年其子來取前銀封識如故其他置渡砌橋不一人呼爲蔣老佛詹應夔建德人萬歷間有陳明者因逆糧甚急計賣其媳應夔慨然代納之崇禎間歲飢疫癘流行貧無資者不能含斂暴露不下千百應夔買木置棺悉爲埋葬又創捨棺義會悉力施捨以惠貧民云英叔文壽昌人好施不望報邑令李睿新營縣治首以巨材輸焉邑營學宮助資甚厚嘗奉救荒例輸粟三百斛義得立石力辭之

程燁字克明淳安人邑庠生以麟經名專門遠近負
笈者雲集開義塾于西坡每歲輸穀二百石以贍
來學一時科貢咸出其門

余材字大用遂安人兄弟五人材最少析產時父欲
私以膏腴固辭曰諸兄湑先者三又一嬰疾諸孤
待哺獨受私忍乎父曰若後昌矣生平恂謹嚴文
與常捐資佐人急鄉人義之

余亦新壽昌人常捐資助建青龍塔賑飢民六百口
郡守旌之

吳秉貞淳安人孝弟力田一鄉稱爲長者且好施與
荒年多所存活子曰望亦好行其德

江齊雲淳安人常捐資賑貸修砌橋路鄉評重之舉
與賓筵者再年八十八終

宋邦機字少坡建德人性好施與如施糜賑飢捐櫬
掩骼善行不一而足萬歷壬申丈量田畝多出其
手一時推爲公平以子賢貴累受封贈

姜良範字欽之遂安人禮部儒士承先人五世同居
益敦雍睦日執一卷引太義以訓子弟居恒厚三
黨恤絜獨人有侮之者反以恩解崇禎間斗米五
百錢良範售產以濟飢民人甚德之及寇起相戒

無犯其室推官馮秉清題其門曰尚義之門

余銳字時抑遂安人自少敏幹長以義行授例授秩
不足以敷其才廉訪御史霍按臨至遂委知本縣
事綜理四閱月有聲績壽幾期頤歷與賓典禮者
十三次後嗣游庠食餼不絕

姚崇道字鄰竹遂安人唐相元之公後裔爲人謙厚
勤慎雖家資饒裕而自視歛然敬禮士大夫廉而
好施與宣德中歲饑輸穀於官以賑流離後往往
傾困周急戊辰出穀助軍餉鄉黨無告者不恤傾
囊相助爲葬殮其父母完娶其室家起死人而骨

月之終不自鳴其德義聲至今稱之蕭彥立爲之
傳見成化志

姚珊遂安人樂善不倦惠周桑梓明正統二年捐完
本邑通糧四百有奇奉詔輸粟八百斛景泰天順
間又相繼輸粟五百餘斛旌爲義民

國朝雍正四年以義祀忠義孝友祠

姚永齡遂安人與從父珊同居四世奉詔輸粟賑飢
旌爲義民賜建義門題曰叔姪雙義

國朝雍正四年以義祀忠義孝友祠

周宗澤字廣潤遂安人負其才度量豁達好濟人困

成化間歲大稔慨然有解推念聞詔勸輸遂傾困粟五百石助賑猶抱憾曰恨吾產薄不能爲嗷嗷者盡免枵腹也事聞賜救旌異載通志義行

章廷禮遂安人少孤鮮兄弟年踰三旬尚無子見人急難如救水火隣有吳姓貧將鬻妻聞哭旣成券矣問值若干取金如數予之夫婦完聚後連舉五子次子士淳司漢川成化乙未輸粟三百石賑飢郡侯旌其堂曰尚義巡撫劉題請恩賜建爲義碑吳希敏字魯卿淳安人縣學生崇正中以薦授四川大寧知縣未至任而卒少事父母以孝聞兄希哲

官粵司李希敏省之及歸兄贈以金希敏笑曰

遠涉省兄非爲分潤來也其友愛狷介如此至與人交則又慷慨仗義不惜錙銖人稱篤行君子云

翁志常壽昌人景泰間爲通邑完漕賦四萬餘兩奉勅建義高千古坊其他輸邊餉恤貧乏不可枚舉

雍正五年特祀忠義祠

翁士元字尚育壽昌人性友愛尤好義家本素封後漸中落士元獨力黽勉拮据讓肥處瘠所治生產悉以裕諸弟崇正間捐貲助石修城年八十終汪時和字介如遂安人總制汪忠烈喬年父也爲諸

生每試嘗冠其儕天性孝友好行其德修脯所待
悉以奉堂上甘旨兼資其兄嫂不宜子勉爲兄置
側室連舉三子爲撫護之里有偷兒法不至死急
蘇縣出諸獄勸令自新卒爲良民某瞽婦貧而守
志給衣食完其節某誤繫獄傾貲救脫聞議鬻妻
以償竟裂券還焉其他濟困拯貧諸義行莫可殫
述配余有賢行雖貴猶荆布搯作宜鍾生賢傑云
汪洋字子文遂安人弱冠食餼工詩古文詞尤精易
學性尚義課徒不計修脯從游甚衆多有聲庠序

毛之履字太素遂安人郡增生生平焚券嘗數十計
佃戶以稗濕充租置不問曰譬之鼠雀耗耳庚午
幾首鄉薦以過奇置額外子際可知城固縣誠之
曰吾祖肖環公爲令不受一錢汝善繼先人之志
每聞便民事則竟日喜時水決五門堰際可日夜
者築一邑得全比歸之履慰勞備至是夕平善如
故夜五鼓乃端坐而逝載通志

章可聞字去聞遂安人邑庠生性醇厚待族黨嫻睦
無間尤喜施予爲人排難解紛閉戶課子凡有善
屬文者視若已有多方培植之

詹開禧字紫英建德人性好施遇時疫流行捨藥延醫全活甚衆歲歉則買米平糶逢債負逼迫者立爲代償不足卽將子女所佩釵飾以濟之

方成鄰字穉官遂安人郡廩生樂善好施每年施棺葺路以爲常辛卯壬辰間歲大飢斗米五錢成鄰煮粥賑荒全活甚衆載通志

汪可琪字廷玉遂安人尚和子好行其德遇婚葬無力者助之凡稱貸不能償者悉焚其券建東湖石橋行者便焉會孫振瑞國學生乾隆辛未督造明倫堂并學舍教諭鄭煥勒碑紀績亦卽承遺澤也

張域分水人天性好施歲歉捐資賑濟全活無算他如建南塔造橋梁施棺贈金善事不可勝計兩中副車考授禮部司務

蔣子黃字少峰建德人樂善好施兄弟產落割已產贍之于東關置義渡以便行人遇鄉隣有貧而無妻子者罄囊助給一無所吝以子鳴梧貴受封方成郊字穉官遂安人少傅逢年第三子也性狷介見義必爲多濟人事博極羣書尤精字學長吏聞其名造請多不得見

吳瑜字美玉建德人內行醇備篤於孝友有從祖乏

嗣養之沒齒內戚張某狷介寡合獨受其養二十
年歿殮而殯之值歲飢出粟助賑又自爲糜以食
同里之餓者其他賑貧恤孤多此類子謙銑初爲
榮澤令以百金爲父壽立遣封還謙銑卽以封還
之金更益以俸餘置立義田以廣親惠居常一粟
一葛詢係官物輒屏弗御屢膺封典卒年六十有
九

劉金綽分水人邑庠生天資豁達以利濟爲懷常捐
囊周人之急不計己之有無也康熙丙戌歲飢金
綽竭力倡捐四百金以助賑濟民賴以安

徐漸磐字儀九淳安人少砥名行事父母以誠敬聞
徐氏祖祠年深傾圮漸磐獨力鼎新不以關族人
遇歲飢指囷以賑復煮粥以濟之雍正初舉賢良
方正邑令以漸磐應人咸謂不愧斯目云

王隆曜字子潛淳安人爲人方正善排難解紛人皆
信服歲飢推食食人彌月不倦叩其家擔石之儲
無幾也杜門課子皆成令名人以爲厚德之報云
余鼎階字赤原遂安人性好施與尤力行陰騭事一
聞枯骨暴露卽買棺埋之數十年間不下數百計
嘗患病危篤恍惚聞有代禱于神者病遂愈人以

為陰德之報云

汪懋學字子魯淳安人善治生好施與折券棄債歲以為常值患大水居民無所得食懋學載稻糜于舟以餽粇之又復濟以升斗使延旦夕如是者月餘官賑始至當事咸敬禮焉榜其門曰積善之家方紹文字岐微淳安人性好施與尤哀憐獨一歲中庇其宇下者未易更僕數頗善岐黃之術遇貧無藥資者輒為調護之家業因以稍減而緩急叩門猶不惜解囊以應焉卒之日里中人多為雪涕

洪開建字又勳壽昌人天性孝友嘗割股以愈繼母疾尤尚義喜周卹臨終恐焚窮乏債券人稱孝義

應椿字遜生淳安人家故素封好行其德邑某負錢不與校聞歲暮追呼甚急者椿遽往其家慰之且餽以粟肉嘗過茶坡見疫死者屍相枕即施棺數十掩埋之弗使藁葬也其義行率類此

何元信字子勤分水人少貧事親以孝聞勤儉創業而好施與親族中待以舉火者甚眾值歲飢即倡捐助賑自雍正五年至乾隆二年獨力施棺二百餘口有近隣沈姓孤子力不能娶元吉以養女贈之守令廉其行誼徵為鄉飲大賓年八十八而卒

鄭培德字子正遂安人邑庠生祖禹疇年近百歲及
父士鏌俱以孝友稱培德承先志捐已地拓祠宇
除道濬川濟三黨及友朋無慮于金其他急公拯
用焚券減租更孜孜不倦壻姜士崙官郡守奉薄
物培德曰爾貧乏是好消息毋念我也孫濂弱冠
舉于鄉

沈士斗字國杓建德人性質直篤於天性丁兵燹備
歷艱苦竭力奉親喪葬如禮及析產以美田宅讓
弟而自取荒陋親族有不給者隨力周恤遇事多
所排解長子如日四子天成別有傳以孫逢舜貴

贈如其官

陳一鳳字瑞鳴建德人幼喪父母家貧服賈不廢卷
牘通古今敦氣誼族黨孤貧者賴以婚配成家義
聲甚著以子宗泗貴贈如其官

夏有正字符中建德人郡庠生海康令日昌仲子也
年十八失怙昆弟五人有頑繼叔父後與諸昆弟
均析繼產毫無所競事嫡母克盡孝養邑有公事
及水旱災曲折經營不惜勞瘁邑令長皆倚辦焉
毛其望字表東遂安人國學生能文好義曾爲外大
父忠烈汪喬年公費千金赴豫覓屍歸并力請祠

置祀田大約平生濟人數萬金救人厄難助貧人娶者數十人減租焚券以萬計晚甘食貧門內肅然家學壺範為人仰慕

許國秀字上卿淳安人事親孝貧時竭力供甘旨及稍裕生事死葬竭誠盡慎生平慷慨好施凡里黨中有生計艱窘者必多方周計或稱貸不能償即面焚其券以至埋遺骸修橋梁道路尤不可殫述為善無不報宜乎其有後也

鄭培廣字子聞遂安人邑庠生性孝友明大義親族里黨皆受其惠嘗焚券助婚康熙戊子首捐米三

十八石倡賑每歲隆冬煮粥濟近隣貧乏舉介

卒年八十三

夏志臯字司運建德人性醇篤居家孝友嘗捐已業為合族建祠宇且備棺木施貧窮輸粟以助賑粥勤儉飭躬訓子有成雍正元年舉侯賓卒年八十有六

方成蕙字仲蘭遂安人國學生才品足嘉邑令何重修文廟僉舉董事庀材鳩工不辭勞勩終始恪慎纖悉無私為時重云

余芳徵字芝九遂安人舉者賓醇謹有才邑令委董

修 文廟勤勞著績督學彭旌以虞庠食報壽九
十五卒子鼎兆尚義極貧克紹父志人稱孝友云
黃華禧字祝三遂安人幼失怙恃兄又早世敬嫂如
母撫姪如子邑中修 文廟建潮音閣率先倡捐
身董其事不辭勞勩津梁路道傾圯者解囊修治
或舉火不舉殯葬無力以急告無不立應無吝容
無德色終身如一 日邑宰吳高其義禮之賔筵
汪之茂字松如遂安人甲寅負母避寇山中母患病
侍奉極至兄弟不析箸亦無私財聘姚履敬慕歲
大疫以募金施藥存活甚衆年七十三無疾而卒

姜士鷲字馨宜遂安人性敦寔行孝父敬兄至孝無
間周恤隣里有貧將鬻妻者力阻之給以米糧俾
完聚歲辛未麥歉收買產易米以賑窮乏秋旱復
捐貲賑恤兩月縣令舉賔筵并狀其義行聞於上
本府吳旌以匾曰惠周桑梓藩司葉表其門曰急
公好義

章可鑑字冰若遂安人性淳原有膽氣常以忠義自
許康熙甲寅閩變寇賊蜂起可鑑獨倡練義勇保
障鄉村迨賊攻城人民逃散鑑復身環甲冑問道
抵郡請兵力戰賊敗棄城遁乘勝擊之斬首千餘

級焚其巢穴邑賴以安

姚時觀字南侯遂安人少失怙事母以孝聞讀書能文後頗用計然策顧性素慷慨內而推梨讓棗外而推食解衣門庭豫順三黨雍和里有負債不能償者悉焚其券遇貧乏解囊以助嘗施義塚以收暴露遺骸義聲聞遠邇焉

洪光理字斗文遂安人鄉飲賓事節母姜有荀顛風生平見義必爲嘗捐貲以完人婚姻又修築嶺內外橋梁道路且隨地隨築以便行旅郡守張邑令王皆重其義行

姜調鼎字元夫遂安人鴻臚卿習孔長子性友愛與弟燮鼎怡怡者七十年如一日尤好義舉千金或立盡終不顧家累宰香河有惠政人爲立去思碑姜兆梅字幾先遂安人庠生性嗜義嘗客游姑蘇同舍有鄭黃二友困於旅邸不能旋里爲解囊中金二十觔贈之其生平義行類如此

姚秉鑑字冰如遂安人孝子鳳翔父也績學勵行事繼母盡孝友愛幼弟人無間言且掩骼埋骨好施方藥濟活貧窶至老不倦年七十有七端坐而逝孫曰嘉曰瑛曰珍俱恪遵義方嘉珍早年入泮

姜士弁字我士遂安人性至孝侍母病朝夕奉湯藥積勞成疾致嘔血弗休兄弟六人共戮力惇友讓怡怡式好從無間言教授弟子占科名者甚衆云
汪之英字俊人遂安人孝友好義自事父母以逮諸父昆弟悉得其惟心延師訓子忠敬交至遇貧困不吝推解晚尤喜淡果報勸世人多化之

王廷梅字春卿建德人性喜施與賑饑掩骼惠及頗多進暮年悉焚借券子錫輩生捐職亦好義云
姚建燦字廣上遂安庠生家貧力學克盡孝友赴試進路拾遺金三十鏹詢實還之不愧父鳳翔孝義云

余燦字虎文遂安人候選州同幼業儒順父意盡其產與弟自甘儉約十餘年致產千金因盡焚平日交易借貸之券閉戶讀書不與外務惟修橋路賑飢荒爲事戊辰歲歉傾困出濟不敷乃告糶於婺源德興開舟涸不得行卽親爲擔負以濟鄉里
晚年弟產蕩廢復分已產予之

余致慶字祥徵遂安人性孝友渾厚兄弟怡怡尤耽於鄉族家稍贏餘有假貸者應之無難色邑令嘉其行舉鄉飲賓子二升亨升利乾隆辛未歲歉捐百金助賑可謂能承父志者矣

余士伊字叔仁遂安人國學生事父之卓至孝尤好
 義乾隆己巳歲飢捐米四十八石賑飢辛未又大
 歉捐貲三百金運米助賑子六長宗譽有聲庠序
 吳敬修字可願淳安人邑庠生天性仁孝輕財仗義
 嘗冬夜歸遇瞽者顛泥中呻吟有聲掖之起見其
 無襦卽解衣庇之負歸養月餘送至其家待父病
 不解衣合眼父歿哀毀瘠立中值諸貧農待哺者
 修卽強杖起發穀百餘石賑之彌留時家人問所
 貸曰吾以是貽諸孤不必問所貸也配王氏苦節
 余撫孤孤僅七歲清五歲俱督課有成

翁梅玉字崇梅壽昌人邑庠生幼孤事孀母葉氏承
 懼膝下待諸昆季備極友愛嘗為故友遺嫁孤女
 又嘗焚借券無算其餘修橋砌路諸義舉不可勝
 紀徐尚書潮會郎中華益各有贈詩舉介實
 翁鵬萬字振翮壽昌人庠生性孝友親歿廬墓側日
 夕悲號又捐置祀心恤貧乏及修橋路諸義舉
 翁益德字君滋壽昌人邑庠生性孝友親歿廬墓側
 疾又為修橋路諸義舉
 方士遠字近修壽昌人邑庠生性至孝能先意承志
 得父母懽心尤循樂獲敦品行邑里共欽仰之舉

康熙年介賓邑令曾華葢旌以碩德鴻儒匾額

蔣協字以心壽昌人歲貢生性極孝友昆弟三人兩兄既歿協撫其孤如己子捐腴田入家祠出貲助族之貧不能娶者邑令單鈺題于冊以旌之

洪開然字耀士壽昌人邑庠生天性孝友家素貧以硯田銖積獨力殯葬父母又爲兄贖鬻姪歸宗更爲謀婚娶及田房生計前後邑令俱旌以匾額

劉兆璉分水人郡增生敦倫常慎捺履有從伯負欠急償百金璉盡取妻王氏服飾代償之王荆布終

身憂頹也

馳贈文林郎屏山縣知縣配王贈孺人咸謂盛德之報云

葉士錦字闇然壽昌人邑庠生事親孝性喜解推族黨有急難稱貸者輒與以貲并還其券遠近感之

翁宏高字師鴻壽昌人庠生幼居親喪哀禮稱情歲荒傾囊蠲賑特以義行見旌子進榮亦善繼父志

陳廷範分水人歲貢生性友愛家故貧硯田所獲除分潤昆季外悉以周恤鄰里并瘞埋暴露遺骸按

奉化縣訓導值歲荒生衿多菜色範力爲請賑貧士得少甦乞休歸雪涕而餓者數十里不絕

何允輔分水人歲貢生秉性好義敦崇古處屢躓棘

聞晚乃究心岐黃全活者甚衆而絕不計利年逾七十猶心存濟物孜孜弗倦云

劉泰風分水人歲貢生性慷慨尚義兩值歲饑倡捐賑族不藉官米尤矜恤災獨時親費粟至其家又嘗助娶施棺扶危濟困不可勝舉邑向苦丁稅積弊泰風赴縣堂力請革除尤為闔邑第一功

趙昂字雲駒建德人邑庠生性孝友年三十喪偶或勸再娶愀然曰吾妻逮事吾親先父母逝久矣且吾已有子何忍再娶生平狷介恬澹非禮不履年

七十六卒

俞人增同弟人銓遂安人平素多任俠疎財遇凶荒益勤施濟康熙六十年邑令封嘉其義行藩司給匾旌曰義民

余國旺遂安人性嗜詩書恒以濟物利人為務邑西有白磴嶺當徽嚴要衝畝隘險仄商賈病之旺乃捐金修除繼於嶺下復建輿梁以濟涉者併助田四畝勒石碧峰菴付住僧取息以時修治其他所為都類此遐邇稱之為余善人云

姚時午遂安人仁心為質孝友克敦輕財好施恤孤憐寡有中表負官糧將鬻其子即為解囊代輸里

有貧而未娶死而無歸者皆捐金以助其他造橋
砌路捨藥施茶善難枚舉咸稱其義云

張來廷字觀斯建德人國學生考授縣丞先世仕宦
清貧來廷獨力起家昆季緩急倚之又嘗於歉歲
出米助賑或暗增其量不令人知創置宗祠凡建
津梁斃道路者茶寒絮等事力行弗倦子起運以
賑荒議敘併助修

文廟皆成父志也現與監修城垣及乘志今候選州同

余金性遂安人品端行直兄弟友愛尤慷慨尚義凡
邑中橋梁渡舟有頽損者皆不吝解囊悉爲葺補

遇歲歉則發已儲分貸族隣全活甚衆亦不沾沾
較息求償官斯邑者莫不敬禮之乾隆元年

恩賜壽官

任邦權遂安人孝友睦族惇尚風節子天祀善成父
志雖僅足衣食常以周急濟人爲急修橋建亭首
倡捐金兄弟七人皆能恪遵義訓怡怡友愛云
方成茂字樾秀遂安人性謹愿力田養親家漸豐饒
恤貧濟乏勇于好義嘗修除道路橋梁以便商旅
并建亭以憩行者舉鄉飲賓

章如光字尚賓遂安人性孝友尤慷慨尚義甲子丁

卯歲被急出倉儲米穀以賑貧乏人皆德之

夏尚賢字子良建德人性孝友諸凡克承父志兄弟

六人先後早世者諸姪皆賴其撫課成立尤義重

鄉黨歲辛未邑內飢賢捐資賑糶多所全活後充

雍正乙卯歲貢未幾復見子長慶充乾隆壬申歲

貢時議多之卒年八十一

余學通字介明遂安人素醇謹儉約有石奮家風事

父具至性雅量過人遇窮子來歸不聞以有無為

解急公好義壽屆期頤

恩賜八品壽官榮身

余士博遂安人操行端慤惠周鄉黨尤勤於公事每

遇歲飢捐資助賑人皆德之

任其峻字節山遂安人孝子鼎福子家世孝友惇睦

好行其德葺橋梁修道路遇歲飢為獨費以賑雖

囊橐空虛弗顧也里人高其義云

方愷年遂安人性慷慨好施嘗途遇遺骸貸錢施棺

埋之其餘周恤飢寒甚多閭里並感其義云

方象璠字魯瑞遂安人庠生品端行直凡遇公事義

所當為者不辭勞避怨措置得宜人皆悅服

章祖德字亢宗遂安人已卯副車才品端直遇邑公

事主持不阿邑人賴之

姜應兼字書達遂安人惇崇氣節訓子姪以義方順

治戊子歲飢賑粥彌月甲寅值閩寇持大義挺身

退賊鄉里受害者皆捐貲存恤焉

姜如芝字瑞若遂安人庠生鴻臚卿習孔孫香河令

調鼎子也幼承家學性孝友父歿於宦邸償官逋

扶旅櫬皆拮据身任不辭友愛諸弟終身無間言

余文藻字懋臣遂安人幼喪父哀毀骨立事祖母方

節母年耄養出

不文涉善病藻友愛尤篤無遺

姜士騰字鵬其遂安人孝子統元長子家故貧棄傭

服賈克盡孝養竭廩葬祖艱瘁備嘗傾囊以全父

志歲荒煮粥賑貧每秋夏之交貸陳米償新米義

不取息然諾不欺遠近聞名爭願交有古烈士風

倪育韓字侶琦遂安人孝事一

弟無異同胞雍正九年歲歉邑令委任賑飢又捐

米周窮乏乾隆辛未災旱捐貲百金助賑凡借貸

貧不能償卽焚券里人咸義之

章鈞起字貞開遂安人生平孝友尚義康熙四十七

年歲大祲鈞起備貲赴他郡不惜重價易米歸平

減價值以濟貧乏又徽郡項姓嘗賈於遂素識面
旋以虧離課拘繫比追無力完帑哀籲求救鈞起
慨然勉措六百餘金代爲繳償其人得歸故里見
者咸頌其義

洪疇字吉士壽昌人邑庠生孝事繼母周恤族里遇
歲荒捐米煮粥賑饑數月鄉里多受其惠舉介賓
長子國幹克遵遺訓亦蠲銀賑荒各憲給匾旌獎
洪淑字善士壽昌人性篤孝尤好義舉素精醫術因
艱於嗣嘗廣施藥餌以拯疾苦周貧乏暮年彌積
善弗倦連舉二子年八十卒

方成緣字稱榮遂安人以孝友著家業式微奉孀母
撫幼弟并諸姪俱竭盡孝義尤好瘞骸周貧乏云

吳可舉字人賢遂安人國學生然諾不欺遇歲飢輸
粟助賑尤好修葺橋梁道路以濟行人舉鄉飲賓
姜如英字芳若遂安人國學生性倜儻有幹濟才以
祖遺田廬悉讓諸弟及弟歿撫一孤尤加厚云

以上義行卓卓可以維風勵俗者固已題名人物用
志不朽矣近有急公紆難之士捐貲賑濟好行其德
豈容湮沒不彰而生不立傳因併附其名以待論定
且以爲好義者勸焉

建德縣

張起運 太學生捐銀三百六十兩議敘

王均 例貢 蔣自超 例監 夏長慶 貢生 王以彭 例貢

鄧嘉言 拔貢 吳芝淦 拔貢 施世榮 拔貢 宋涇 生員

余憲光 生員 陳希愈 監生 鄧榮學 生員 王懋學 舉人

張時杰 例貢 劉文英 例貢 黃國誌 例貢 鄧榮勤 生員

童與權 例監 夏惟睿 例監

淳安縣

方 武舉候選衛千總捐銀一百兩准得官

葉華春 武進士貴陽守備捐銀一百八十兩准

遂安縣

邵廷彩 貢生捐銀一百八十兩奉 憲旌獎 周 冕 生員捐俸二百兩准作貢生

聶 凱 武生捐銀二百兩 給與把總職銜 吳承謨 捐銀三百六十兩道府旌匾

邵 昱 太學生捐銀一百二十兩道府旌獎 王景彩 貢生捐銀一百五十兩道府旌獎

余有容 耆民 余升侯 邑宰 毛覽輝 定州知州 毛 咏 候選

毛 嘯 州同 毛 咸 州判 毛紹載 增廣生員 余彥招 例監

余兆齊 例貢 劉錫爵 生員 余希韓 例貢 洪瓊英 例貢

方克華 邑令 余周基 例貢 陳兆鏗 邑令 余舉賢 例貢

余際暉 邑令 余元弼 例監 余際美 邑令 余文林 邑令

姜功贊 邑令 余入利 例監 汪嘉仲 邑令 章惟謙 邑令

洪衍宗 例貢 汪日躋 例監 姜尚志 邑令 毛日慶 邑令

姜純綬 督學 毛吳香 邑令 余起側 邑令 許文翹 邑令

江起輔 例監 姜讓基 邑令 程尚見 邑令 姜如相 邑令

余際期 邑令 陳兆銑 邑令 方紹武 例監 章名彥 例監

汪之相 例監 任兆驥 例監 鄭鎮恒 例監 江宏 例監

鄭鎮恒 例監 方引燦 例監 余文達 倡藥 江起僕 例監

壽昌縣

方元錦 道府 葉榮翰 道府 張汝度 本府吳

桐廬縣

姜士佳 貢生 邢學仲 貢生

分水縣

何元信 貢生 劉作霖 監生 濮人李 貢生 濮文理 監生

王夢錫 貢生 劉作桐 監生 高克良 監生 王坊 監生

劉金緒 監生 濮人槐 監生 王鉉 監生

隱逸

唐

許法稜字道冲建德人少有高名志尚肥遯代宗遣

使聘之不就

維鵠象分水人隱于柴邏山浙西觀察使李德裕使

人名之萬象遁入深山築白雲亭

翁洮字子平壽昌人舉進士授主客員外郎退居不仕僖宗以建州刺史李頻薦遣使徵之令睦州守臣催促上道不起作枯木詩以答詔僖宗復遣使以曲江魚賜之宋理宗朝裔孫應弼位工部侍郎因進諫為善慶云

方昊字太初淳安人生于唐末唐亡遷於巖谷中吳越歸氏招之不往聚徒誦學于土貴精舍以終其身鄉人稱為靜樂先生宋咸淳中建祠祀之

朱明宗命其子修其家

傅炳淳安人天聖五年進士為富陽簿秩滿歸築樓

名白雲而隱焉范文正公守睦招之不就內相葉道卿郡倅張文定屈炳主錢塘學亦辭後張在諫垣薦之名赴闕因止時政機要策三篇除校書郎知義烏縣不赴復還舊隱時稱白雲先生

方逢嘉字君會領漕薦任無錫尉調轉船兩倉司門令事凡知者累以文學政事薦之辭不就歸隱于所居馬巖山下號巖隱先生

齊龍高字彥登淳安人為山舍生成淳七年釋褐第一授廸功郎婺州教授尋隱居不仕創讀書之室名曰相莊聚徒授學以終老焉

姚正字桂二遂安人唐相元之裔孝友廉潔博通經史累見徵辟以親老堅辭不赴及親歿廬墓三年

從此屏跡縣北築室獅山下棠園講學課徒以終其身厥後鄉宦名家孝友傳芳不易其風

余德明字克新遂安人弱冠登文天祥榜進士官翰

林編修預修國史宋末里居不仕賦歸隱詩以見志焉

胡幾字及之淳安人博學隱居以厚德稱于鄉里

梁伯字君友子陵三十五世孫從學賈漢英賈之學

寔源于朱子達官至鈞臺必訪伯勸之仕則曰吾

鼻祖高風遠韻與富山桐水爲流峙某不敏願爲

賢子孫足矣嘗遊錢塘有動于中亟歸遽遭喪躄

踊氣絕者數四廬墓三年有白燕巢于墓木居家

授徒從遊者衆嘗與謝翱雪夜登西臺慟哭又與

結汝社翱死侶殮葬之元至順辛未卒門人私謚

曰高節先生

元

何景福字介夫號鐵牛子淳安人學博行修累辟不

赴優遊泉石所著有鐵牛翁詩集

李康字寧之桐廬人年十三母病剗股以進里稱孝

子從永康胡長儒遊以古學自鳴至正三年郡守
馬九臯以幣迎力辭之九年張奉使素聞其賢又
起之復辭十六年宰臣塔失鐵至邑卽致幣遣令
詣請議事康不得已而往欲官之以母老懇辭歸
及卒高陽許瓊青田劉基臨其喪作詩以誌之
徐舫字方舟桐廬人躬行有道喜怒不形幼尚遊俠
已而幡然悔立爲進士業已又悔曰人生貴適意
奈何跼踖章句中于是遊江漢淮浙間以詩歌自
娛江浙叅政薛天爵表薦之舫笑曰吾詩人耳其
可以章紱乎竟避去築室江臯每天雪放舟釣江

中終日不返目號滄江散人明初劉基應聘舟過
桐江舫黃冠衣白鹿裘立江濱目送之曰卿寧不
愧桐江水耶基銜其以隱自高欲屈致之舫益自
匿人莫知其跡而終

汪雲三字兼才遂安人豁達多知畧元季時隱德不
仕惟優游林泉見東湖山川之勝遂家焉號以白
雲溪處厥後七世同居猶見流風餘韻焉

國朝

方庶字以蕃遂安人性端雅恬退不求仕進尤嗜學
善詩畫自號視樵著視樵前後集行世

王應宮字春卿遂安人重然諾好周急恒鬻產以濟
雖饘粥不給晏如也遯跡山莊嘗書人爵不如天
爵高功名富貴等浮雲之句於壁以見志隱居教
授終其身

毛文孫字晚思遂安人邑廩生性慷慨樂易饒有清
風高節於經學字學外好繪事尤精畫水墨蘭草
神韻古秀迥非俗筆洵幽人雅致也

流寓

漢

嚴光字子陵會稽餘姚人少有高名與光武同遊學

帝卽位乃變姓名隱身不見帝令以物色訪之後
齊國上言有一男子披羊裘釣澤中帝疑其光遣
使聘之三反而後至舍于北軍司徒侯霸與光素
舊遣人奉書光不答乃投札與之曰君房足下位
至鼎足甚善懷仁輔義天下悅阿諛順旨要領絕
霸封奏之帝笑曰狂奴故態也車駕幸其館光臥
不起帝撫腹曰咄咄子陵不可相助爲理邪光又
眠不應良久乃張目熟視曰昔唐堯著德巢父洗
耳士故有志何至相迫乎帝曰子陵我竟不能下
汝邪升輿歎息而去復引光入論道舊故因共臥

光以足加帝腹上明日太史奏客星犯御坐帝笑曰朕與故人嚴子陵共臥耳除諫議大夫不屈乃耕于富春山後人名其釣處為嚴陵瀨

晉

孔愉字敬康山陰人也年十三而孤養祖母以孝聞與同郡張茂丁潭齊名時人號曰會稽三康吳亡入新安山中改姓孫氏以讀書稼穡為務建興初始出應召為丞相掾以討華軼功封餘不亭侯愉嘗行經餘不亭見籠龜于路愉買而放之溪龜中流左顧者數四及是鑄侯印而印龜左顧三鑄如

初印工以告愉遂佩焉後棄官寓富春山咸康八年卒年七十五歲終謚曰貞

宋

戴顓字仲若譙郡銍人父達兄勃並隱遁有高名世居剡下聞桐廬山水清佳遂喬居焉嘗述莊周大旨著通選論戴記十篇行于世

唐

喻鳧南昌人開成中登進士第以詩名于時徙家睦州之分水縣嘗與方干賦詩往還仕至烏程尉有詩一卷行于世宋時喻氏族多業儒甲第相踵皆

鼻之後裔云

後周

章仁肇浦城人仕後周為檢校尚書工部侍郎兼耀
武將軍有功于時廣順中徙居桐廬安定鄉之窠
石居仁行義鄉人敬服之宋季有名木者其裔孫
也擅詩名號小客星有梅觀集今居梧村者其流
裔也

宋

余稠河間人仕吳越太傅建隆八年錢王俶歸宋稠
輔以行太祖畱稠為睦州刺史因家於郡之分陽

數傳至名誠一者宋南渡為國子丞有異績著南
疇集行世尋以元兵至臨安避居郡城遂世其家
商瑗其先汴人流寓西夏為都知兵馬使嘉祐六年
因奉使歸宋奏獻密事止嘉其忠賜地于浙之淳
安以居即今遼源之芝山也子孫因家焉以蔭補
官者三世

黃裳字冕仲一字道夫延平人嘗遊桐廬讀書禪定
院又寓居闍仙洞元豐五年舉進士第七政和間
仕至禮部尚書自號紫元翁禪定院有紫元禪閣
仙洞有紫元菴皆祀裳也

江端友字子我陳畱人博學能詩與呂居仁相倡和以元祐黨家居不仕亦不娶隱居封邱門外靖康初丞相吳敏薦爲承務郎諸王宮教授上書辯宣黃仁誣謗被黜渡江寓居桐廬之蘆茨源自號七里先生後爲太常少卿所著有七里先生自然庵集七卷

呂本中字居仁河南人宰相公著之曾孫也紹興六年進士官中書舍人寓居桐廬之蘆茨源詩學黃山谷而主于自然號彈丸法與江子我多倡和嘗作西江傳衣詩派圖列陳無已而下二十五人爲

法嗣謂皆出于山谷云卒諡文清所著有詩友淵源錄春秋解童蒙訓等書行於世

陳埴字伯和陽翟人博學工詩南渡寓居桐廬與滕岑相倡和岑盛稱之以爲力追作者嘗次岑韻山居詩云解組滄溟畔攜家紫翠間地臨雙港勝天與兩年閒茅屋靜聞雨竹籬疎見山所慚隣舍老句險不容攀雙港者一名橫港卽桐溪也以紹興進士終黟縣令

謝翱字臯羽閩之長溪人文天祥開府延平翱傾家貲率鄉兵數百人赴難遂參軍事天祥至潮陽被

執翽匿民家間行抵勾越時王監簿諸人方延
遊士日以賦咏相娛樂翽間出詩文見者絕倒不
知其爲天祥客也遂結社會稽名其會所曰沙社
期晚而信也嘗行禹穴間循山左右窺祐思諸陵
北嚮哭東入鄞過蛟門臨大海則又哭澄子陵釣
臺設天祥主再拜伏酬號慟者三日以竹如意擊石
歌招魂之詞哭失聲竹石俱碎有西臺南白雲村
刺方干故里也隱士方鳳吳思齊寓焉翽與爲友
卽此葬地歿後鳳等葬之于子陵臺之南立石題
云粵謝臯羽墓山谷云公謫文淵池水清其詩文

吳思齊字子善麗水人咸淳中由任子仕至饒州節
度流寓桐廬之白雲源與方鳳謝翽相友善劇談
每至夜分及宋亡家益貧勸之仕者輒謝曰譬猶
處子業已嫁矣雖凍飢死不能更二夫也以先墓
在麗水不能數歸省歲時必遙望隕涕因白號全
歸子所著有全歸集若干卷行于世
豐稷字相之明州人徽宗朝爲御史中丞首論蔡京
姦狀京坐貶及京復相修故怨安置稷于睦州其
子孫因家居于青溪焉

朱翌字新仲龍舒人政和間登進士時諱言詩翌稱

獨造南渡後爲中書舍人文章浸顯于朝忤時宰
謫居曲江旣北歸才名益起寓居桐廬愛蘆茨山
水遂闢地家焉所著有瀟山三卷行于世

元

方回字萬里別號虛谷歙縣人宋景定壬戌別省登
第元時爲建德路總管尋罷徜徉杭睦間晚傲自
高不修邊幅其自序桐江集云自桐江休官閒居
萬事廢志獨于讀書作詩未之或輟時年已六十
餘矣嘗選唐宋以來近體詩評論之曰瀛奎律髓
于情景虛寔間三致意焉

葉正字冲貞錢塘人以詩鳴世貫酸齋甚器之年三
十不娶從父來桐廬爲釣臺書院山長父死正貧
不能歸賣藥市中以自給風神瀟爽不能隨世浮
沉遇月白風清輒同里人李驥龍買舟泛桐江而
下驥龍吹洞簫正歌古調扣舷和之或至忘反正
歿驥龍斂之買地葬焉

明

陳均德字得旻吳興人由明經任建德路教授時因
元季三吳爲張士誠竊據遂卜居焉子通以人材
薦舉任蘇州府推官陞太僕寺

王宗顯和州人少業儒博經史元末避亂僑居嚴州李文忠胡大海克嚴日得宗顯知爲儒者禮遇之及大海師駐蘭溪宗顯在幕下是年冬明太祖親征至蘭溪大海以宗顯見太祖曰爾與我同鄉里正濟所用命宗顯至婺州察聽宗顯潛至婺州近城五里舊識吳世傑家探城中守將各自爲心回以告上喜曰我得婺州令汝作知府遂進攻克之改婺州爲寧越府以宗顯知府事命宗顯開郡學延儒士葉儀宋濂爲五經師戴良爲學正吳沉徐元爲訓導時喪亂之餘學校久廢至是始聞絃誦

無不欣悅

達兼善西城人元蘭臺御史洪武初欲復其官力辭設教因家于遂安今治東南達家并其故居也

許全丹徒人永樂間任縣尉操守不苟秩滿愛嚴陵風景因家焉子孫業儒不絕

楊漢雲南人由舉人正德十一年自金華改知桐廬忠誠篤厚不務時譽不妄興作及休致以親老家遠遂寓桐入籍初至金華時過桐江謾落其冠至是僑寓始知先兆云

知何許人或呼為唐和尚以其自署為唐作
 霖也或曰本姓林來自閩中寓淳安之東源畔下
 所至以詩酒自豪有招之飲者舉觴輒盡未嘗以
 醉辭酒後往往效步兵之哭索題詩即隨筆應之
 不計工拙著佛奴草有句云日月有明悲逐客關
 河無語泣孤臣疑其為閩中僧

昔全氏詩人云樂聞其詞其意不與尋常異
 其詩因定下意必入其東南數家其詩亦
 對其詩或知入其詩其意必入其東南數家其詩亦

